



文苑英華卷第五百五十五

表三

尊號二

中書門下請上尊號表三首

為文武百官請復尊號表六首

京兆府請復尊號表二首

代京兆府耆老請復尊號表二首

禮部為百官上尊號表二首

中書門下請上尊號第一表

于邵

建中元年

臣

炎等言

臣

聞自古帝王配天受命必建徽號傳之無窮

號者功之表也三五以降

約所著之功以彰厥德則犧

農軒頊之號或質勝文而

勝質悉以一時盛烈而崇號

焉伏惟皇帝陛下續戎立極維庭應運居域中之大爲天下之君聖敬日躋孝理時乂放珍禽奇獸爲異方遠物畧嘉禾美瑞俾良史不書洪惟成湯一德率先老氏三寶舞干是務和戎是利惟賢是登惟惡是去雖夏后卑宮菲食漢文帷囊弋紼與我比崇彼實慙德今園陵永閔升祔云畢孝思罔極達于神明克禋克祀卜時撰吉載命元子光啓儲君禮無不備道無不治而鴻名未揚典故猶缺將何以告清朝謁聖祖對越神祇昭格上下伏乞許臣等上尊號以備大禮有以答乾坤之既有以符億兆之歡臣等才非啓沃職參近侍遠媿賡歌空懷赤實不勝懇願屏營之至謹奉表陳以聞

第二表

前人同

臣炎等言伏以表鴻勳尊明號百王之弘典八聖之嗣烈則可祖述古訓憲章前範上以明帝王無私於已下以表臣子行古之道所以詢於公卿稽彼典常冒昧爲請期於必從奉詔還答未蒙聽允阻臣子之協同彰聖人之護甚當此反側得爲安乎臣炎等誠惶誠迫頓首頓首臣聞上覆有名曰天下載有名曰地天地尚著於名位而陛下父母天地端居大寶無名乎臣等固知其不謂此况踰年作制履端於始臣勉乾運祗膺天秩此若臣二廼瞻元元式瞻其當至公不臣護已伏惟以臣陛下臣蒲邸親惣六軍屬彼昆夷東我間豐犯我都鄙扈羸臣東幸奮

貌武以旋師一呼而上將雲奔傳檄而遠蕃虜三以延以
正華夏以寧旋表元以迨茲臨御顧命之後天威躬
履節用勤於宵旰予感於神明茂功由乎發號愛日
至觀行不忘顧升以儉致將遠以德服風雨時若妖
氛一作氣不動夫然則俗可追於大庭人可納於壽域而欲
忽鴻名舛人望固以自約其可得乎臣等才謝將明力慙
匡輔欣逢至道竊荷寵光願回天私獲遂丹悃無任懇迫
屏營之至謹奉表陳請以聞

第三表

前人同

臣炎等言臣等考古訓酌群言建大中之道陳徽號之請
累表上聞皆抑而未許踴天懷迫屏營失圖臣固以此請

者方欲協萬國之歡繫一人之本蓋非私於主而專於已
實以荷大賚法上玄遵王之路也伏惟皇帝陛下以唐堯
四德光宅天下以周文直行陟降庭止應乾立極迨乎踰
年又奉今月甲寅詔將有事於郊廟越翼日乙卯復下有
司命元子以主器薦珪置幣尊祖配嚴屬車將邁明號未
布瞻望霄極遐哉貌乎至乃陳一王之儀合百神之禮祝
告史載則謂之何又聞之文纘服繼序不忘遵奉遺
烈必思其復惟象雲雷起經綸惟太宗造區夏以
創大業惟玄以攘惟肅宗振一旅而討逆惟
代宗揔天兵日拯生之崩角安國家之綴旒德
澤洽于上蒼心遂古云皆順人心以敬天命享大

名而騰茂實

以彰武功

其聰明敬

居諒闇勺飲

千九虞此所昭大孝也克勤于邦日親萬務克儉于用

化行四海珍禽奇獸不育於國沉珠捐金必受以人此所

以返太素也有一於此則可以發揮鴻休光啓尊號豈可

尚懷謙損莫顧與能九廟之靈儼思虔告百辟之望終期

必從陛下必欲固拒群心輕此盛典則祖宗之前號盡為

虛美陛下安得而墮之臣愚故知其不可也臣等待罪掖

垣屢陳愚款儻未回天睠將萬請以之無任大願悽悽之

至謹奉表昧死以聞

為文武百官請復尊號第一表

崔元翰貞元五年

臣等言臣竊觀前代之盛列辟之英咸保鴻名而崇明號

或配其德或昭其功蓋所以揚耿光彰淳懿而示遠也其

有暗然類表作而不耀後嗣何觀蔽而不揚群臣之罪伏惟皇

帝陛下由正統而嘔柞承聖緒而受圖稟高明之姿於天

侔傳厚之德柳教木制行禮之中聲震八區威

加六合運柳集表作化靡有不通成陰陽之功

衆莫類柳生此測具元精聖神文武之號其後雖

逢阨運日期二式之掃清猶自咎而抑損同

罪已之業仁群守上順聖心以成恭德而退

懷大懼謂

績其疑人

畫界

柳集 界封師

薄刑溢不窮

通

收之惠西成有穰歲之報南

極見壽星之祥靈貺屢加天恩允答豈宜固

類表 作妄

為菲薄

以掩盛明尊號之崇願復如舊况

臣

等親奉平明之理久

蒙覆露之恩耻德美之不彰憂罪戾之將及伏惟陛下復

循舊典俯徇群心

柳集 作情

誠天地神祇內外

臣

庶之所望也

等無任屏營悃款

柳集 類表 作懇

之至謹詣朝堂奉表陳請以

聞臣誠勤誠懇頓首頓首謹言

德宗興元元年幸奉天削去徽號貞元五年六年百

僚六表請復舊即此也 是時崔元翰為禮部員外郎

歷知制誥唐書稱其詔 令温雅故類表以為元翰所

作而英華誤作常衮按 衮建中初卒至是己十年又

抑文收此表或入正集 或入外集按宗元年譜貞元

五年方十七歲八年始 貢京師其謬誤可知况英華

總目明言取之類表其 為元翰何疑

第二表

前人

同前

臣某等言 等前詣朝堂上表伏願

柳集 作請

復加尊號奉被

還旨未遂懇誠奉奉顛顛不勝大願

臣

等伏以崇明號昭

盛德爰自中古實為上儀以至於我祖宗莫不膺茲典禮

伏惟皇帝陛下有廣運之德弘覆載

柳集 作照微

之仁燭幽以

明威遠以武惠澤之被誠浹洽于八万英聲之揚宜越軼
于千古而乃久為抑損以守謹恭事有曠而不遵禮有缺
而未備臣等又以為不私與已臣是謂至德柳集類表作公有美之

而莫敢辭有非之而莫敢隱必推於物而順於人既以徇
於群心又思叶於中典此皆聖王柳集之事也且夫虛而

失實則夸耀而誣質而不華則朴畧而固而而字柳集王

度資於潤飾帝者務於恢崇盖柳集無將以法日月之昭

明配天地之廣大聳遠人之觀德兼前代之軌模然後表

其全功謂之蓋善不可以方當陛下臨位群臣在庭而使

鴻名不彰盛典猶闕既無以光昭衆美又無以丕承舊儀

類表則等蒙恥於今獲罪於後實為大懼敢忘盡規尊

之崇願從群議伏惟陛下俯回宸睭察納愚誠不惟臣

等受恩天下幸甚無任區區懇迫之至謹昧死重詣朝堂

奉表固請以聞臣等誠懇誠勤頓首頓首謹言

第三表

前人同

臣某等言臣等前再上表請加尊號實以功德俱茂典禮

宜崇然而不能鋪陳無以動寤愚誠雖竭天鑒未回臣某

等誠懼類表誠恐頓首頓首臣某等謹按白武通曰號者

功之表也神農有教田事之勤燧人有興火食之利伏羲

正五始白虎通曰伏羲因夫婦正祝融續柳集三皇人為

之名以柳集美其事其後帝王之盛洎我祖宗之明咸

因人心而慎柳集古道雖損益或異其於二字柳集表功明

德一也臣等所表作是以遵有國之令典采上古之遺文

察人志柳集作心於謳謠觀天意於符瑞敢以為請累表陳誠

曩者運丁艱難時或順動陛下思成湯之罪已念周宣之

側身去微號而不稱垂炯誠工而自儆應天以德示人以恭

聞於蠻貊戎夷告于天地宗廟是故咸知陛下之志慕義

而歸仁潛感陛下之誠垂柳集作通靈而助順今者君臣和集

作德上下叶心百職畢脩庶官日以序法令明具教化流行

方內歡康天下寧壹四人遵聖系萬類樂生嘉應休徵神物

靈貺形于草木著于星辰而辭之以仁壽未臻至化猶鬱

遂使德誠可紀名號類表作仍未崇不告於明神不示於殊俗

將何以知陛下之戡難將何以表陛下之致平下無以威

於四方上無以報於九廟其不可一也淳古之至化邈而

不追柳集作足非烈祖之盛儀廢而不續其不可二也庶正群

官宗室支屬西土耆老柳集作長上學諸生黃冠之倫緇衣之

侶萬衆伏闕彌旬織路而乃不從人心以違公議其不可

三也守讓恭卑讓之志忽光人弘遠之圖臣等誠雖至愚

以為大謬伏以恒久之德貞大一也元始之義善之長也

弁包覆露天之大也清淨玄默然道之妙也睿知之周物不

可以不稱夫聖也妙筭之無方不可以不稱夫神也行仁

義脩典法歌詩頌考文章不可以不稱夫文也攘却戎夷

戡剪暴逆邊兵以整禁衛以嚴不可以不稱夫武也而合

於唐堯乃聖乃神乃武乃文之德臣某等謹稽以乾符叶

文苑英華 卷一百五十五

宋

於古典侔德澤之廣配功業之崇昧冒萬死伏請上尊號
曰貞元大道聖神文武皇帝臣等竭其精誠發於交感庶

柳集作無以回日其能動天無任屏營惓懇之至謹詣朝堂奉

表固請以聞臣誠惶誠恐頓首頓首謹言

及大會議戶部尚書班宏又請加奉道字故又改其

文傳施不息而萬物以生推功不宰而萬化以成又

合於書之奉若天道之義伏請上尊號曰聖神文武

奉道皇帝

第四表

前人貞元六年

臣某等言臣等去年九月三度詣闕上表請復上尊號懇

困雖竭精誠莫通又懼於累塵聖聽類表是用中輟大願

未畢群心靡寧臣某等誠勤誠懇頓首頓首臣等生逢昌

運早列清朝獲睹文明繼迹賢俊類表作俊又亦嘗考前

載於史氏訪遺儀於禮官至於保鴻名尊號之榮昭茂功

盛德之美皆烈祖之垂法為累代之成規子孫之所宜不

承臣下之所宜崇奉陛下纂聖緒而臨下尊令典而柳集作以

制中則亦俯從公卿大夫之請光膺聖神文武之號間者

陛下以禍亂之故特貶損而自儆以從一時之宜信為恭

也今乃欲遂變更而不復以廢先祖之典則若專焉豈陛

下或未之思然臣等實以為懼雖欲行陛下之志柰先祖

之典法何伏惟陛下因于憂勞深自咎責命祝史告于天

地陳圭幣祠于祖宗布于群臣聞于兆庶固能降開祐之

福致感悅之誠咸和以叶心盡瘁而畢力弼成神造康濟
 艱難寇逆掃除暴強擾順侯衛奉守屏之職夷狄為來庭
 之賓兵戎不興邊鄙類表不聳文軌同於四海貢賦脩於
 九州至若時候將憊必惟思而內省皇情微軫遂交感而
 潛通陰陽和而風雨時年穀熟而財用足休祥數見福應
 屢臻此皆天地祖宗垂靈錫祉以成陛下之志明無不答
 不享之咎也陛下宜承天意以悅神心增修盛儀再加明
 號崇昭報之禮表恢復之功而辭以仁壽未臻至化猶鬱
 則若尚懷不足以要天地祖宗示雖有固讓之勤而非重請
 之義且夫號者其來尚矣燧人神農各旌其事湯以甚武
 而曰武王迨我祖宗亦柳集無亦字崇高柳集類表作尚古道垂著新

法陛下獨為辭讓以守謙冲則皇王將有媿於前祖宗將
 不悅於後而帝德是非之辨固有所歸國典異同之文後
 難以守且陛下本為炯誠以示敬恭誠讓德也今以先王
 之道而不敢不法烈祖之訓而不敢不承又讓德之大也
 若乃守獨善而遺公議執小讓而忽宏規臣庶之心廢
 祖宗之典乃所以失陛下之恭德又徒以掩陛下之全功
臣等雖誠至愚竊所不敢輒敢微之國典酌於經義取貞
 者事之幹元者善之長以配聖謨神化之盛文德武功之
 崇叶紀年之嘉名遵舊號之美稱以如開元故類表事謹
 昧冒萬死請上尊號曰貞元聖神文武皇帝伏惟皇帝陛下
 下沛然回慮俯徇群情然後聖德之光昭玄功之茂著後

代得揚盛美而鏡至清是群臣之願也不勝懇迫之至謹復奉表詣闕固請以聞臣某等誠勤誠懇頓首頓首謹言

第五表

為文武百僚太子少保于願以下作

前八同

臣願等言臣伏以尊號未復累表陳情伏奉詔旨固守謹

恭臣願等上援柳集天地神靈次奉祖宗典法列經義而

順古因類表人心以從時詞繁而不能陳明誠端而未蒙

察納德美盛而猶蔽憲度缺而莫修罪戾是憂冰炭交集

臣願等誠惶誠恐頓首頓首臣願等伏以先王臣之道由大

中而可久近古之化以彌文而益彰則守謙而臣恭不如

立中而垂法表類表樸而禮畧柳集作畧禮不如文明而化光

况於文質異時而國家自有制度豈直為一王之臣法固以

三代之文其於規模信為弘遠陛下嗣訓先祖臣貽謀後

聖當踐修以纂承柳集奚柳集變臣更而廢墜臣等又復讀詔書

曰遐想哲王則自燧人神農殷湯之時有其事也又曰欽

若典訓則自代宗肅宗玄宗而上有其儀也又曰所誠者

滿所尚者謹守之以誠期於終始臣等以為去鴻名而貶

損謙之始也遵舊典而奉承臣護之終也造次而采嘗違於

禮守之以誠也敬恭而無柳集或柳集於專所誠者滿也

又曰虛美崇飾所不敢當伏惟皇帝陛下恤臣人之心動天

之德致理之文教臣戡難之武功有於頌聲光於史氏上有

其實無虛美之柳集謨柳集下柳集慕柳集誠非崇飾之偽又曰勉一

乃心共康庶政曩者柳集御携僕或從扞牧圉或

備持戈矛蓋不同力而離德之間今者四嶽群后

九土庶邦外自藩維及定軍黃髮耆老青衿諸儒或僉

以同辭或遠而抗疏一心之効也群材序進百職交脩烽

燧不驚兵戈以息鑿鑿不用獄訟以衰六氣和而風雨時

五穀昌而倉廩實庶政之康也誠由教化以致雍熙自當

冠於皇王寧復謝於堯禹宜加明號以表成功陛下雖以

為辭臣等未知其說又伏奉詔旨令臣等斷表伏以君親

一致臣子一例而春秋之義以王父命辭父命柳集無不

以父命辭王父命則臣頌等得遵先帝之典以違陛下之

詔謹冒昧萬死伏請復上尊號如前不勝惶懼懇迫之至

謹復詣朝堂奉表固請以聞臣頌等誠惶誠恐誠勤誠懇

頓首頓首謹言

第六表

前人同

臣頌等言臣等今月七日所上表昨十五日下詔旨如初

辭讓愈固臣等感護冲於盛德而私有舊典隳廢之憂懼

煩瀆於聖聽類表而內懷微誠懇迫之切進退競惕不知

所措臣頌等誠惶誠恐頓首頓首臣頌等伏以為類表無

事實舉其中立柳集類表名惡浮於實得其中不宜變之

而失正有其實不必避之以為恭况以祖宗之矩儀國家

之典制陛下道尊教備柳集作教德博化光奚柳集取於

貶損而自卑朴畧而太簡者也昔漢宣帝謂元帝曰我漢

家自有制度諸葛孔明誠其主曰不宜妄自菲薄前史載

之詳矣幸陛下思之臣等又為執小讓之賢不足以方得

禮柳集合度之善去鴻名之敬不足以補變法改作之專

陛下行之將何所守伏以尚祖受茲柳集明命歷代承以

聖德至陛下又有下武繼又重熙累盛之美不可謂德之

不嗣也躬上聖之資合至神之化戡禍亂制夷狄之武修

禮樂垂憲度之文不可謂貫之不孚也比年以來俗化斯

厚人少犯法吏無舞文獄行將空桎梏柳集不用可謂

人皆遷善豈曰俗未勝殘若固柳集辭之所未悟也况

於尊號之美陛下已受於初去之既柳集由於艱虞復之

宜因於康靖若柳集其罰不旌其功何以知區宇之

劑平何以知宗廟之紹復柳集似非陛下之本意但自

欲改先祖之遺儀耳內外臣庶跋履山川思報主恩誓靈

讐耻亦欲摠其宿憤表其成勞陛下猶掩鴻名不彰柳集

窮其事則此等有如柳集未盡不以爲歡儻陛下以自

咎責之心尚或未弭則群臣不能匡輔之罪是亦柳集

當未除將何以蒙陛下之臣恩私將何以受陛下之爵賞君

猶含垢臣以偷榮群下之臣用必深反側又無以示於萬古

無以威於四夷皆非遠圖且垂大體臣等懷此數者恨恨

而不能自安謹冒昧萬死臣里遠詔旨伏請復上尊號以如

前表伏惟皇帝陛下思聿修明無念柳集之言顧屈以從人

之義再膺大典俯詢群臣因來月謁太清宮太廟郊祀上

帝遂以告祠實臣等之至誠實臣等之厚幸不勝惶懼懇

迫之至謹復詣朝堂奏表臣請以聞臣等誠惶誠恐誠勤誠懇頓首頓首謹言

及大會議國子祭酒韓洄請歷數近日徵應祥瑞故又改其文如後表

又伏見陛下以今年四月以來方當雩祭之脩而有旱備之請纔憊期而未害於物深軫念而將恤其人氣潛通而交感以和澤旋流而滂霈思遠由是風雨時而霜雹不降稼穡茂而蝗螟不生農功以成年穀大熟休祥數見福應屢臻仁木連理而垂陰嘉禾同穎而挺秀壽星舒景炎之盛芝草布葩英之重白麀凝彩而雪暉蒼鳥取象於天色將徧於郡國相繼於歲時右具如表

京兆府請復尊號表

柳宗元貞元九年

臣某言某日月諸縣耆老某等若干人詣臣陳狀辭意迫切以陛下尊號未復請詣闕上表者人心已鬱安可久違

天意實勤諒難固拒撫狀英華作伏非感悅深契微誠臣某誠懇誠迫頓首頓首伏惟皇帝陛下聖神之功貫於天地文武之道超乎古今盛德愈大而謨光益深玄化已成而徽號未復遂使神祇缺望人庶怨思沐浴鴻澤者敢懷畧刻之安捧戴皇恩者不知寢食之適負愧懷憤萬方一心日

日以冀遂淹星歲况今地不愛寶致百穀之豐穰天惟降衷呈眾瑞而繁委汙萊瘠鹵之地混成大田草木蟲集作鳥獸之微化為神貺萬靈垂鑒昭然甚明此而不從臣所大

所大

惑矧又兵戎未戢夷狄咸懷煦英華作然長春樂以終日

是以耆老等深感聖育踴躍不寧上奉天心集作恩跼蹐知

懼頓頽闕下願復鴻名不謀而同無期而至此皆上玄幽

贊以誘其衷列聖垂靈以悟其意臣以為陛下當敬于表類

作斯旨不可忽也臣又伏以陛下賞功與能舉賢出滯小

言不廢片善是褒豈可使臣子之効雖微而必旌君父之

德盡美而無稱凡在履載孰不驚惶臣不勝懇倒恐懼之

至謹封耆老等狀隨表昧死陳情以聞謹言

第二表

前人同

臣某等言臣伏以耆老等並發丹誠將貫白日請復徽號

以光聖謨臣以其懇款自中不可禁止遂抗表陳情備述

微誠伏奉墨詔批答未蒙允許者衆心尚阻天意未從懇

迫逾深競惶無措臣某中謝伏惟皇帝陛下道大益謙化

成彌損雖江海善下每應朝宗之心而日月居高久稱照

臨之位况復上承天命下觀人誠若然辭之理有不可伏

以陛下功參造化政體乾坤萬邦它心百靈効職此聖之

至也明並兩曜信如四時先天不違窮神知化此神之極

也道德純被禮樂興行宸翰動於三光睿藻窮於六義此

文之備也五兵不試七德咸宣殊方者知歸負固者率服

此武之成也黃龍皓兔甘露慶雲神禾嘉瓜祥蓮瑞木萬

物暢遂百穀茂滋此天之至靈也黎老班白伏守闕庭鰥

嫠童幼謹歌道路此人之至誠也有其德而無其號拒乎

天而遠乎人雖陛下謙讓之至美抑非臣心之所安也伏以賤志難明微誠莫達戴天彌懼履地益慙不任懇迫屏營之至伏願早建大號以稱天人之心謹再奉表昧死陳請以聞

代京兆府耆老請復尊號表

前人同

京兆府長安縣耆老臣石靈等言臣伏以陛下尊號未復一十九年盛德彌光大化益被加以休徵咸集福應具臻至於今歲紛綸尤盛風雨必順生長以時五稼盡登萬方皆稔神意類素作應人事正在於斯天不可棄臣等誠懇誠迫頓首頓首臣聞恩深必報德盛必崇以陛下九重之尊推崇無上以陛下四海之大報効何施惟有尊名用光聖理

然未復誰所敢安臣心則微天意甚重伏惟皇帝陛下

體昊穹以施化履上帝以致誠今則集作萬祥應期百神

奉職飛走之物皆已効靈草木之類咸能應聖天命降於

上人誠發於中此而可辭孰云有奉况復野多滯穗畝有

餘糧足食之慶克溢於京坻阜財之謡歡呼於道路蓋非

人力皆是天成神祇之望既勤遐邇之心又迫况臣等得

生邦甸幸遇盛明身體髮膚盡歸於聖育衣服飲食悉自

於皇恩被玄化而益深望鴻名而未覩懇倒之至夙夜不

寧謹詣光順門昧死請復聖神文武之號以副天地宗社

之心使海內赤子得安其所臣等不勝懇倒迫切之至謹

奉表以聞

第二表

前人

京兆府長安等縣耆老 臣石靈等言伏奉墨批答 臣所請復尊號未蒙允許者捧對惶遽不知所裁天實命之於 臣何有 臣等誠懇誠懼頓首頓首 臣聞聖君以奉天為心不以執謙為德以順人為大不以崇讓為優今陛下深拒天人之誠猶懷謙讓之道 臣等愚惑未知所歸且百祥荐臻特表昊穹之睠五穀蕃熟用彰后土之勤億兆嗷嗷願天請命上下交應幽明同心舉而違之 臣所未識况 臣等共被仁育同臻太和陛下德達上玄以豐 臣之衣食道躋壽域以延 臣之歲年沐浴皇風二十餘載兒童感化鰥寡知恩故 臣等出鄉之時歡呼遍野問里勉 臣以不進不止妻

臣以不遂不歸唯竭血誠退無面目便當殞首闕下終不徒還伏惟陛下照 臣懇迫之情哀 臣羸老之命 臣等不勝嗚咽慚恨之至謹奉表陳請以聞

禮部為百官上尊號表

前人 永貞元年

臣某言伏以聖王之纂承天位也 臣子必竭懇誠獻尊號安敢為佞禮在其中一則以告天地神祇二則以奉宗廟社稷三則以安華夏蠻貊巍巍大稱其可廢乎 臣等誠歡誠望頓首頓首伏惟皇帝陛下叶周文之孝德齊大禹之約身弘帝堯之法天過殷湯之解網未逾周月四海將致於時雍甫及元正率土更欣於再造然而神人之願億兆之情有所不安率謂未盡善者以為帝德廣運而尊號猶

一作獨闕郊廟備禮而祝嘏無詞凡百競懷華夷屬望臣謹

按昔臯陶之頌舜伊尹之頌湯皆臣子至公面揚君父以

敷於當代以播於無窮夫豈飾哉率由事實帝王尊號蓋

漸於此皇家光被四表祖宗烈文時當太和德崇明號表類

作崇號表德耳目所接簡牘斯存稽之於前典則如彼考之於

聖朝又如此今龜筮習吉元正戒期當品物惟新之時乃

皇上大禮之日陛下交天地饗宗祧陰陽協和動植交暢

不建至尊之稱恐違列聖之心所以臣等冒集作死責陳聞

請上尊號伏惟陛下抑集作小謙讓之節安延企之情特詔

名儒禮官百寮庶尹詳明故實議崇聖德則人望允厭神

心獲安山川効靈光贊無疆之壽祝史陳信永彰不朽之

功臣等蒙國寵榮備位班列無任懇望之至

第二表順宗

前人前

臣某等言臣等再陳丹懇請獻鴻名天心未從伏增隕越

集作隕臣越無措某等誠惶誠恐頓首頓首謹按堯曰咨爾舜舜

曰格爾禹湯曰吾甚武自號曰武王則堯舜禹湯皆當時

王者之號也考帝王之故實徵往聖之憲章允協禮經煥

乎圖諜伏惟皇帝陛下允恭克讓約已謙尊參天兩地之

功為而不有安上理人之德置而不論此至哉王言非群

下所能仰望也然臣等伏以為尊號所以類上帝饗祖宗

萬人所稱百蠻所仰表聖德於率土播天聲於無疆臣下

請之之謂禮帝王允集作承之之謂孝孝大於讓禮光集作先

於讓百王不刊之典安可得而廢也臣等又以春秋本於

五始元者五氣集作一歲之首春者四時之首王者受命之首

正月者政教之首郊天大禮者立極之首今天地交泰俯

臨元辰正始之美正當其運陛下確遠群顛固守讓冲此

臣等所以競惕失圖回集作徊集作惶無惜上冒嚴憲敢逃厚責

伏乞俯賜集作垂集作天聽察納微誠特詔禮官議臣所請揆日

推策虔奉鴻休區區懇誠期集作敬集作盡於此猶恐天光未照

三獻無徵彷徨闕庭伏待斧鑕無任聳望之至

此卷英華所編失年代先後之序今正之

文苑英華卷第五百五十五

文苑英華卷第五百五十六

表四

封禪

勸封禪表二首

宰相請封禪表二首

賀封禪表二首

代赤縣父老勸封禪表二首

請許王公百官封太山表一首

明堂

代宗奉御賀明堂成表一首

代百官賀明堂成上禮表一首

封禪

勸封禪表

許敬宗

臣某等言臣緬尋三古縱觀百王裁玉牒之靈文酌金繩

之雅誥稽諸列辟用考當今徵天意於禎機類表作昭昭

乎溢目察人心於謠詠洋洋乎盈耳叅三才之奧蹟驗百

神之感通諒可出震登封申明聖政乘春告禪仰答玄功

而睿旨謙冲固違僉願徇茲小讓淹斯大典臣等愚思竊

所未喻臣某等誠惶誠恐頓首頓首死罪死罪臣聞崇高

不極至哉乾象之尊博厚無涯大矣坤靈之德若乃代兩

儀以亭育體覆燾類表之無私法四序以平分運陰陽而

不測者非聖人孰能與於此乎是以天道會昌靈命類表

數係於元后帝圖昭格禋禮歸於昊一作穹鴻名列乎三

大廣運由乎一體齊明合德抑斯之謂歟粵自生民肇興

司牧朱襄皓英之日黃軒肩天之世莫不雷鼓振響節萬

舞一作於雲門大路脂輪籍千藁於羸里使夫空桑孤竹

仰鈞天而合奏十碑再累齊厚地以相終斯道既行遂一作

常為稱首奉天之務義極於茲伏惟皇帝陛下陶冶生靈

雕鏤品彙立四維於草昧再造寰區射九日之流金鬱興

精耀德淪垓表功凝帝先於是戶牖三光提封六合不言

而化舉炎燧之菁華無為可測類表軼堯舜之文軌故已

道光紫極慶溢玄類表元豈與夫七十二君可齊年而語

矣是以圓精朗鑒睠欽明之同德方祗効祉祚至仁之比

義馳薰風而驛膏露靈心急於置郵驟澤馬而驚山車神

物切於推轂上帝之性類表已見天人之際乃交推之一作

而不居疇克與一作讓臣等中謝臣又聞之太岳臨雲登

其峰而小天下岱宗零雨不崇朝而彌海內信天地之開
鍵為人祗之會同雖復稽社分區玄亭允峙陰崖俯禪猶
或多途陽嶠乾封必歸斯境自九皇而發迹歷萬代而無
差曩者帝道浸微淳風不競南茅北秬綿百世而寂寥升
中告成歷千祀而湮墜使太山靡紀梁甫曠巡復盛一作庶復
禮於休明企來蘇於肆覲大夫之樹傾柔莢以望塵仙人
之間聳危峰而佇貺中外禔福幽明會徵敬候翠華之旗
紀號青類表作正非陽之日實望土夙恭儲祉仰副元符召圓冠
微博帶緝無懷之逸憲採夷八吾之舊文式道揚鑿錯事介
丘之表飛英騰芳展采日觀之前闡絕代之丕業盡天子
之能事榮貺類表作類主融乎往初尊號類表作名洽乎區有則懷生
之類冠帶之倫其夕死於朝聞傾朝野而相賀接萬齡於
旦暮亦何樂以如之臣等預在普天咸蒙大造叫帝閭而
引領佇神儀之改容昧死千陳期於獲命不任慳款之至
謹詣闕奉表以聞

同前

上官儀

臣某等言臣聞乾元惟大播四序而無言坤儀蓋厚寧萬
象而復一作得一至於號均三大體覆載以曲成聖表千齡
順剛柔以藏用是以可久可大永固皇王之緒貞觀一作
貞明獨照陶鈞之上故可登封泰嶽類帝以尊天降禪肅
然禋宗以厚地伏惟陛下膺圖紹一作受錄儀天纂鏡受昭
華而光寶位正璣衡而握金符銷伏鼇而綴上玄剪應龍

而清下瀆於是靈臺偃伯暢轂埋輪刑政肅一作清削秋

茶之繁蕪一作雅頌一作光闡一作先烈激圓海之漪瀾就月幽覃

則燭龍開景薰風遠暢則蟠木增華沒羽浮金之章昭載

筆於仙室常講卉一作服一作之首襲長纓於蘭綺九疇式序

七德攸宣發神化之一作於一作丹青敷禮義之粉澤既而睿德

潛通至誠冥召禎圖載啓神物發揮雙絡呈班馴擾於君

圃九芝獻彩燭耀於帝池大史標祥鏡流千里卿雲表貺

凝華五色江茅鄙黍歲時鱗萃東鰈西鷄日月波屬鴻符

巨慶疇可詳言誠廼岱郊佇遂云堦望躡臣某等誠惶誠

恐死罪死罪永言遐載緬鏡前徽王迹一作籍一作之所歲隳帝

圖之所凝遠龍官結繩之后鳥紀垂衣之君治定功成俱

備升中之禮塵清海晏咸申謁款之誠異世同符千載一作

揆諒以增尚益厚式酬靈睠陛下德一作道一作光宙始文一作德一作

煥震初蕤羅而因一作固一作萬物典裒而濟下一作天下一作元鎔範生

靈張四維於地絡締構函夏建八柱於玄樞宏規絕跡功

無與二駕三五而遙集超八九而騰驤加以璇曆啓微一作

微躔南至於朔旦金鼓問罪削左袵於交河固可恭柴燎

之展采穆靈壇之禋敬焉得徇小節於冲挹忘至公之鴻

典絕三神之歡拒萬方之志雖復翹心天路未留三舍之

感延佇帝閣一作闈一作逾邈一作邈一作若一作九霄之望伏惟一作願一作陛下紆

瑤池之馭轡屈姑射之凝神酌令典於中樽遵時邁於羸

里採公卿之嘉議覽摺紳之謹辭逸記重甄頽章再紐詔

兩師以先路命風伯以清塵六飛案軌九旗齊列榮光承
 幘非煙翼衡輯瑞而嘉肆覲瘞玉而恭儲祉一作禮非方使日
 觀增華仙閣改飾神光霄映若流照於春陵雲色盡開似
 凝暉於豐谷表咸池於翠岳一作奏咸萬歲叶其殷薦席
 藁一作祖非稊於紫壇八神歆其明祀籠千古之偉觀孕七百
 之不業臣等命與時偕濯景昌運優游渠閣之內怙悵南
 風之絃棲息蓬山之阿弋釣先皇之道至於朝猷國紀頗
 踐奧隅陛下推而不居竊所未喻鬱云梁之典缺懷庭之
 儀沮神主之欲漏貪天之議伏願杲其日出照其一無傾
 陽之心一作正油然作雲降其一無離畢之澤庶使飛英騰
 茂秘玉檢而遐傳手舞足蹈扈翠華於喬嶽云一作皆

宰相請封禪表

蔣欽緒

侍中臣乾曜中書令臣說等言臣聞自古受天命居大寶
 者必登嵩高之嶽行封禪之事所以展誠敬報神祇三五
 迄今未之闕也是以高宗因文武之業盛岱亭之禮方冊
 所記虞夏同風聖穆三朝年經五紀封崇之典缺而未備
會要山川望幸屬在今日陛下靖多難遵諸本先朝天所
作脩啓也承天統臨萬邦天所命也焉得會要不陟東嶽禪會
封云亭報上玄之靈恩紹高宗之鴻烈則天地之意宗廟
 之心將何以克厭哉且陛下即位以來十有四載創九廟
 禮二郊大舜之孝敬也會要叙會要九族友兄弟文王之慈惠
 也甲宮室非飲食夏禹之恭儉也道稽古德日新帝堯之

文思也憐黔首惠蒼生成湯之深仁也化玄漠風大和軒
皇之至哩也至如日月星辰類表山河草木羽毛鱗介窮

會要作嘉 樣極瑞蓋以荐至而為常眾諸本多而不錄正以天

平地成人和歲稔可以報於神明矣鴻生碩儒上章奏而

請封禪者前後千百會要聖情撫挹天鑒未廻臣等仰考

聖會要作神 心傍採眾望封巒高作展禮時不可抑陛下縱不

欲以成功告天豈不以天休報德臣等昧死上請以聞

再請封禪表

前人

臣乾曜說等言臣等考天人之際稽億兆之性以為理定

功成登封告禪鴻名盛則屬在聖明陛下讓德冲深未允

群請神祇觐望臣等懼焉且今四海和平百蠻率職莫不

含道德之其實喚仁義之馨香一作惟聲是以上帝聿懷名山

望幸珍符荐委一作委至年敕屢登開闢已來未之有也臣聞

自古受命而封禪者七十二君安有殊風絕業以方今一作

相也然猶躡梁甫登太山飛英聲騰茂實而陛下功德之

美符瑞之富固以孕虞夏舍一作凌殷周有何退讓遂巡於

大禮哉夫昭報天地至敬也嚴配祖宗大孝也厚福蒼生

博惠也發策紀號丕業也陛下安可以闕哉天地之符彰

矣祖宗之靈著矣蒼生之望勤矣禮樂之文備矣陛下安

可以辭哉故臣等願因神祇之叶贊順華夏之懇誠早稽

舊章特降明詔庶及仲春農桑之際以展巡狩肆覲之儀

則天下幸甚一作唐類表

賀封禪表

蘇頌

臣頌等言伏以升中禮旋降禪云一作始五玉既輯萬方

胥賴臣等中賀臣聞封太山至梁甫天下之壯觀王者之

丕業伏惟開元神武皇帝陛下以天覆之大地容之厚車

書不及而來王日月所臨而奉朔周年七百未可語於期

運漢里三萬曾何校於提封大和浹區寓榮祝彌川陸將

辭上帝之休靡抗鴻儒之議式考南至之度爰備東巡之

禮列戎夷之君長聚華夷之玉帛惠化潛扇納人歡以錫

符淳風外流奉天符以行事遂登日觀拜雲封泥瑞芝檢

珍玉導以六穗之禾犧以雙輅之獸茅黍畢陳鷄鵠咸在

六宗起典則百神之禮具群臣一作克庭則肆覲之儀洽

乃藏秘冊昭尊名山稱歲以效祥乘温以儲祉而叶同之

令再造於黔黎增廣之仁更張於品物歸功當格於藝祖

致美未延於岱宗斯所謂皇哉唐哉皇哉者也臣等

不勝大慶謹奉表稱賀以聞臣頌等無任

同前

崔融

臣某等言伏奉某日詔書有某年月日有事於中嶽恭聞

大禮不勝欣抃臣聞巡狩者何觀人風而叶時月封禪者

何增天高而益地厚然則聖帝臨下必有玉帛萬國之事

焉明王在上必有柴望百神之禮焉伏惟天皇御寶位膺

璿曆宅顥氣以開元鼓淳風以成化宗文祖武之業天祚

彌光制禮作樂之功皇猷載遠四方無事不聞犬吠於中

國六合同歸唯睹鴈行於道路恩周動植德洞淪冥東魚
西鳥不召而自至玄秬黃旌應圖而合牒嵩維中嶽洛陽
下都三臺崛起五衢相映風雨交會實惟天地之中威靈
肅然固是神明所伏可以光昭累聖可以謁款上玄展時
邁於仙宮叶歲巡於福地象天之道備法駕而非遙望君
之來因名山而有日臣等飲一作款和昌運冒寵崇班用雖
徵於犬馬情諒兼於鳥獸三呼在聽欣承漢后之儀群議
不行竊鄙晉皇之德限以官守不獲稱賀一作慶軒墀無任
悚踴之至謹附某奉表申賀以聞

代赤縣父老勸封禪表

陳子昂

臣某等聞帝功既大必昭告於上玄元首一作命攸尊必升

封於厚載故七十二主能恢萬代之規三五六經以為百

王之典伏惟陛下集作應天受命握紀登樞包括乾坤之

靈亭毒神明之化故能開天寶闡地珍溫洛所以升圖榮

河由其薦蘇群神既贊衆瑞交馳謳歌於是大歸禮樂以

致咸備陛下仰順天意允答神休垂顯號以居宸建明堂

而理物百僚惟允萬國咸寧然則嵩嶽神宗望玉鑿而來

禪天中仙族佇金駕以崇封實大禮一作德之昌期膺告成

之茂典况神都為八方之極太室居五嶽之尊陛下垂統

紫微大昌皇運報功崇德允叶神心應天順人雅符靈望

皇圖聖業實在於茲臣等叨預克封久忘帝力竊聞聖人

封禪天下所以會昌山嶽成功皇壽由其配永臣等既為

陛下赤子又為萬姓慈親實願上報天功下順人望勒成
嵩嶽大顯尊名不勝慶幸之至

請許王公百官封太山表

張說

臣說等言 臣聞聖人者與天地合其德故珍符休命不可

得而辭鴻名盛典不可得而讓陛下功格上玄後篇作天澤流

厚載三五之盛莫能比崇登封告成理叶幽贊故符瑞必

臻天意也書軌大同人事也菽粟屢登和平也刑罰不用

至理也今陛下稽天意以固辭違人事以久讓是和平而

不崇昭報至理而闕薦祖宗億兆之性集作情猶知不可况

上帝臨照神集作祖宗顧諟後篇作托其可止乎願納王公卿士

列嶽縉紳之衆望廻命有司速定大典臣等不勝懇禱敢

昧死再拜佳不作上言

此篇又載六百卷今已削去

明堂

代家一作宗奉御賀明堂成表

崔融

臣某言臣聞昭昭一作明明上天五座列降神之府赫赫中國

允筵開布政之宮自軒皇肇制帝堯嗣作歷虞夏而惟新

在殷周而克壯斯在尊祖配帝從時統天節寒暑而吹律

順陰陽以班令降及有漢頗採前章雖年惟屢豐而日不

暇給過此以往寂寥無聲伏惟天冊金輪聖神皇帝陛下

興復舊邦光啓新邑萬物睹而聖人作百寶用而神靈滋

遠肅邇安功成道洽泥金刻玉紀脩中嶽之儀乘鑾駕龍

更葺正陽之禮乾策坤策具一作是稟宸聰左个右个親承

殿式朴畧淹中莫能言其制度崎嶇汶上疇克一作以効其

規模土事不文木事不鏤九柱自立豈藉瑯琊之飛二石

潛開寧煩穀城之採板築星奔而化造斧斤風動而神助

聖有通於上帝產無費於中人由是日抱紅輝雲叢紫霽

霜毛下翥電翼群飛夕見神光似對莊嚴之國畫聞仙響

疑過數一作妓非樂之天匪日而成衝霄特起仰浮圓笠俯鎮

方輿金鸞鸞而將飛玉驪龍而若動三辰引曜相望於複

道之間六氣氤氳旁魄於重檐之半可以發大教陳威容

會百神朝萬國比二儀而永固齊四序而偕行允所謂穆

穆皇皇巍巍蕩蕩者矣微臣攀光日用荷蔭天休接五尚

龍班霑九清之下列方圓罕任叨重寄之一作於程材輪之

補無施濫殊私一作恩於構廈仰之不逮雖謝於鷗翔成輒

相歡竊同於燕賀手舞足蹈倍百恒情無任悚躍之至謹

奉表稱賀以聞

代百官賀明堂成上禮表 前人

臣某以下文武官若干人等上言臣等聞上帝居高懸大

微之府先王建國闡宗祀之堂不有聖人誰其經始伏惟

天冊金輪聖神皇帝陛下尊祖揚禰嚴禋之德再光統天

順時布政之道尤急親紆睿思躬運玄模故能上合乾象

下當坤策柱將扶而已立石未鑿而懸開丹鷲蹠躉似鳴

岐而遠至蒼蚪繞棟疑出河而欲飛神光熠爚一作燿於向

晚仙樂清今而方晝月惟孟夏時屬正陽張文物於闕庭
震聲名於寓縣聖皇戾止諸侯在列穆穆焉顛顛焉文喜
氣於三靈動歡心於萬類者也臣等進窺朝典既逢嘗麥
之辰旋顧野誠輕襲獻芹之禮謹上禮若干舉如別項滋
踈鶴鼎一作味劣蠹庖何以延蓬蒲之涼契芝英之壽無
任對懇之至謹奉表稱賀隨進以聞

文苑英華卷第五百五十六

文苑英華卷第五百五十七

表五

后妃

賀冊皇太后表四首

百僚賀冊皇太后禮畢表二首

鄭尚書賀冊皇太后表一首

賀冊皇太后及德妃表一首

中書門下請冊貴妃表一首

太子

賀傳位於皇太子表一首

請冊皇太子表二首

代宗讓皇太子表一首

為揚州李長史立皇太子表一首

賀冊皇太子表四首

賀皇太子知軍國表牋二首

后妃

賀冊皇太后表

常袞

臣某言伏見八月二十六日制冊上皇太后尊號凡在生

靈不勝慶幸臣聞天地之因一作經所固一作因者本聖人之

德無加於孝故紹休以受命榮號以歸尊是用慶善奉慈

因親教愛也伏以皇太后法象太極是生兩儀光昭上元

以母萬物塗山降瑞華渚呈符照臨典禮示天人之慶一作

訓範裁成風化表戚屬之宗師詩云思齊太任文王以聖

則知祚我仁慶誕與睿哲穆穆明明有自來矣伏惟聖

文武皇帝陛下以皇道還淳以文明致理行三代之典一作

極教備兩漢之威一作盛儀逾年改元謁告清廟永言配命

殷薦圓丘大孝通於神明至化被於寰宇瞻戀慈訓尚未

遑安處奉徽章以崇位號嚴恭前殿陳布外朝萬國在庭

千官執禮冕旒端拱翼翼烝烝一作侯金冊以拜興承瑞

寶而俯受聖理之至其道大光朝野同歡臣妾有恃言念

舊黨遂及姻聯褒德以殊榮推恩以序進華胄增貴外家

益尊固可以感動靈祇懷服戎狄豈止德教加於百姓仁

厚及於九族而已宜其煥列青史昭播鳴猷億萬斯年以

承多福臣所守有限不獲稱慶闕庭無任抃躍忻悅之至

謹遣某官奉表陳賀以聞一作皆類唐表

同前

劉錫

臣某言伏見制書以二月二十五日冊立皇太后盛禮畢

陳德音遠被一人有慶萬國同歡中賀伏以集作惟皇太后

稟靈作合集作配誕聖表祥徽號極域中之尊至仁為天下

之母陛下君臨有國子道無違長樂宮中永猷南山之壽

濯龍門上再揚東漢之風率土臣子不勝歡集作欣抃

同前

楊於陵

臣某言伏奉月日制書奉太上皇后尊號曰皇太后坤儀

鎮定孝德昭升大義冠於人倫盛德類表作禮光於史冊凡在

臣子不任抃躍中賀臣聞周室興王文母同其經理漢皇

爾聖明德贊其徽猷伏惟陛下弘闡睿圖誕膺昌曆皇太

后宣明懿範超邁前脩家國慶靈慈孝交感堯門薦祉延

寶祚於無疆長信順神播歡心於率土由我愛敬致茲雍

熙何幸萬邦之人親逢千載之運臣叨承獎任職守潘條

阻拜彤庭雖違於常典載馳丹懇倍過於恒情

同前

羊士諤

伏以某日誥命爰以令辰太上皇后光膺典冊盛化既行

中外同慶臣某中賀皇太后陰靈類表作母德降祥坤儀垂訓

堯門誕聖時逢寶曆之典彤管紀言道光內輔之業九族

承序萬國又安伏惟皇帝展禮南宮奉觴北極榮超簡冊

慶浹寰區凡在生靈孰不傾戴臣以遠守潘鎮不獲稱賀

二字類表作
扑舞闕庭

百寮賀冊太上皇后禮畢表

柳宗元

臣某等言今日日太上皇后冊禮云畢率土臣妾慶扑無

窮臣某等誠慶誠賀頓首頓首伏以太上皇后著嬪虞作集

嬪虞之至德嗣母周集母之徽音表率六宮明彰萬國陛下

克脩理本以暢化源神道知事地之方人倫識尊親之大

豈為婦道集斯備陰理集用脩足以播正始於王集

風致時雍於帝典臣等謬叨集榮位獲覩盛儀踴躍

之誠倍萬恒品

鄭尚書賀冊皇太后表

令狐楚

臣某言伏聞制冊皇太后七字一作臣伏奉五月二恩單

下歡動中天一作臣伏以皇太后坤德合符陰靈表慶

化光宮職道贊國風伏惟皇帝仁聖宅心文明恭已遵承

孝理嚴奉慈顏獻寶綬於內朝宣玉冊於中禁彰明順德

知陛下就養之勤表正母儀見陛下歸安之盛萬國所繫

四方是刑人一作臣之懇願既申品物之歡心斯洽臣叨

承寄任限守藩一作隅不及一作陪位闕庭扑舞稱賀無

任聳慶踴悅之至一作皆唐類表

賀冊太上皇后及德妃表

柳宗元

臣某等言伏奉今日日誥良姊王氏冊太上皇后良媛董

氏冊太上皇德妃宜令所司備禮冊命者母儀有光坤道

克集成作順陰教方行於萬國內理克和於六宮臣某等誠

慶誠賀頓首頓首伏惟皇帝陛下對若天休奉揚睿旨長
秋既登其品集作位榆狄亦洽集作於恩光奉養見三朝
之安周旋有四星之輔豈徒配乾稱大事集作日為明所
以表王化之源知孝理之本冠映千古儀刑四方臣等捧
戴施行踴躍無地無任蹈舞忻喜之至

中書門下請冊貴妃表

常袞

臣等言臣聞天文次星配以妃位帝宮內職守在一作王

化視公卿而命秩思賢才以審官蓋五禮之宗一作六義

之本也伏惟寶應元聖文武皇帝陛下紹興下一作武屬

當多難一日萬務親紆聖心初定群亮尚多闕典紫庭分

理頃刻未遑彤管記言因茲而缺然則一作奉若天道以

陰而助陽御于家邦由中而及外今既三靈叶泰四海承

清宜舉舊章以行盛禮竊承一作壺制未正等威當熊之

德或聞於蘭殿貫魚之序無列一作於椒房固以一作叶

周南之風參虞汭之化豈使坤儀曠其取法陰教闕而不

脩雖則蘭在宸衷安敢默於誠請伏冀大明禮秩俾率宮

庭以厚人倫以風天下庶得外朝均政群望獲從無任懇

款屏營之至臣某誠惶誠恐頓首頓首謹言

一作皆唐類表

太子

賀傳位於皇太子表

庾信

臣某言伏見二月十九日詔傳位於皇太子昔者降居弱

水登庸有優劣之殊來朝櫟陽繼體有君臣之異不得與
 夫天之兩日日之再中並曜聯輝重明雙照同年而語矣
 伏惟天元皇帝惟聖作聖惟親尊親降意於與能鳴謙於
 神噐欲令百二相和先聞揖讓之風天下無為早識吾君
 之子是以運獨見之明行非常之事先天不違後天而奉
 皇太子身貞萬國道照四門夙膺再命之符實允基天之
 命非關復子明辟異於遷虞事夏既損既益尚或二天為
 離為火何妨兩日且平陽蒲坂賢臣則二十五人顓頊高
 辛才子則一十六族與此計事何遽無成饗丑良切乎鼓
 之軒乎舞之自當八風通慶雲聚五老同遊三星運曜豈
 直雙龍再賜九雉重飛而已哉皇帝藐然姑射正當乘雲

龍問道崆峒豈復先秋木落臣生預堯年時逢舜日

惟新之慶實倍萬恒情

請冊皇太子表二首

于邵

臣聞立天下之本故受之以震明兩承統慶元有光期一作

斯萬國以貞而一人有慶也伏惟皇帝陛下受天明命尊

祖嚴配聖謨廣運禮秩咸若六親承式而理六合不論而

定伏以儲宮未立人望猶勤奉天順人事不可曠夙聞宣

王天資孝敬訓稟詩禮可以奉宗桃之重可以當匕鬯之

主朝三命宰則以安親前師後傳則以齒胄伏乞以時冊

命報慶天人然後啓承華以論道起博望而養德天下幸

甚天下幸甚臣等叅跡樞宥一作倍萬恒情謹奉表陳請

以聞

二

臣炎等言今月十六日敢以古儀請建皇儲伏奉恩命未垂允答受命兢悚恍然失圖臣炎等惶恐頓首臣聞帝王之理必先體統而後正百度以臨四方脩人紀以符天道則居震守噐重離繼明是先代行於天下也况尊宗廟而奉君親乎此而不先孰可先者陛下尚執謙德方勤庶政畧至公之務慎翼子之私是何小嫵而廢前訓今臣等不敢以歷代為據且以國朝以來言之有若高祖義寧二年五月即位六月立建成為皇太子太宗武德九年八月即位十月立中山王為皇太子高宗貞觀二十三年六月即

位七月立陳王為皇太子

按新舊唐書并會要高宗末

則祖宗垂範如示諸掌今抑而不立豈塞天下之望

字

作今抑而不奉而當何奉之伏乞考百代不刊之典遂萬國元良之望天下幸甚伏聞宣王以子

則嫡以家則孝天姿玉裕雅性冲深足以奉粢盛之重視朝夕之膳然則行一物而三善皆得者建儲之謂也臣等不勝大願懇請之至

代宗讓皇太子表

常袞

臣某言臣聞君父之命誠不合辭臣子之心固無所隱

之則有累天鑒辭之則有負國貞在無隱而不言雖稟命

而非孝臣所以省躬審分讓德推賢瀝懇上聞冒嚴亟請

冊誠罔感皇睠來疑作昭戰競失圖精爽飛越臣某誠惶

誠恐頓首頓首伏以國之上嗣古曰元良觀象于天應前
星之環極取法于地視少海之朝宗必訪著龜以承主鬯
臣幼非樂善長未好儒慈獎特深愚蒙不易教之羽籥有
昧樂章訓以詩書終迷義府遊虧四老才乏五官人莫係
心德非守噐項者外統群帥內錄尚書竊懼任榮以憂官
謗今謬塵博望猥辱壽春位登青宮禮絕朱邱且乖人望
載黷朝經循名責實未足承天之序捨長立賢亦猶行古
之道伏惟陛下博求公議允納微誠更擇溫文俾膺繼紹
遠想伯夷之讓用升季歷之材至公大行天下幸甚無任
懇迫屏營之至謹奉表陳讓以聞臣誠惶誠恐頓首頓首
為揚州李長史賀立皇太子表 蕭穎士

禁言伏奉制書皇太子以今月嘉辰肅膺典冊少陽

德前星耿耀凡在生靈預增慶幸臣聞立嗣必子愛徵古

訓惟賢乃建式固宗祧周漢以還憲章未改伏惟開元神

武皇帝陛下嚴祗寶祚光啓睿圖則哲其難至公有在惟

天為大萬邦所以作貞如日之昇重離所以增煥况瓊枝

挺秀玉葉資神允釐鹽撫儀形雅頌春華秋實嘗俯俟於

嘉言一物三善諒行稱於至德固以靈祗叶贊景命昭宣

馳道之前猶應著令寢門之外方候問安臣忝貳藩條苟

守官次不獲預倍大禮稱慶闕庭延首承華以欣以抃

賀冊皇太子表

張九齡

臣言伏奉今月二十日制冊立皇太子者伏以皇太子天

實生德睿哲夙備爰以吉辰光膺盛典伏惟開元神武皇
帝陛下建儲固本體天合聖萬方之心未貞是屬一人有
慶大賚斯在臣某待罪南郡不獲稱慶闕庭欣躍之誠實
百恒品無任悚躍慶抃一作躍之至謹遣所部官宣義郎行
枝江縣尉楊崇先奉表陳賀以聞臣誠喜誠抃類表作誠
歡誠喜

頓首頓首死罪死罪謹言

同前

呂溫

臣某言伏見十月十二日勅伏承皇太子以四月二十一
日冊命禮畢光紹前典惟懷未圖神人允諧動植咸賴臣
某誠歡誠抃頓首頓首臣聞燕翼貽謀帝王之大孝立嫡
主器禮易之明訓伏惟皇帝陛下克明駿一作俊德恢纂鳴

休武功有成文理既定然後弘三王之教諭建萬國之元
良凡在生靈孰不慶幸臣守官荒服稱賀無階竊抃嶺隅
倍萬恒品無任感悅屏營之至謹奉表陳賀以聞

同前

劉禹錫

臣某言伏見冊皇太子盛禮斯畢德音遐宣萬國以貞庶
類咸悅中賀伏惟文武孝德皇帝陛下體元立極垂訓御
時既闡王猷思安國本前星位定拱宸極以昭彰蒼震氣
宣與天地而長久禮光七鬯澤被華夷宗社有無疆之休
生靈懷莫大之慶臣恪居官次遐守巴南不獲稱慶二字
稱賀

集竹闕庭臣無任踴躍之至

百寮賀冊皇太子表

柳宗元

臣某等言伏奉今月二十四日制廣陵郡王宜冊為皇太子改名某仍令所司擇日備禮冊命者天序有奉皇心載寧臣某等誠慶誠賀頓首頓首臣聞商書載以貞之文漢史傳早建之義不惟立愛其在繼明陛下奉率前規敷揚盛典顧茲守噐之重爰正承華之位尊義方之教載錫嘉名崇建樹之禮式光典命以長而立自符於慎擇必子而選遂合于至公邦本不搖王業彌固此皆宗社垂祉啓佑皇心乾坤叶集作謀保安聖運足以播休氣於四海洽太和於萬靈食毛含蔭所同歡慶臣等奉承制命蹈舞周行不任歡抃之至六字集作踊躍之誠倍百相品無任慶抃感悅之至謹奉表陳賀以聞
此篇元誤編在六百三十五卷狀門今移入于此

賀皇太子知軍國表

令狐楚

臣得上都進奉官狀報伏承七月二十八日詔旨軍國政事權令皇太子勾當者中賀伏惟皇帝陛下大明御寓至孝自天霜露既濡想園陵之漸近雲霞是仰悲弓劍之方遙內感深衷外勉類表庶政由是推赤心於俊乂委寶曆於元良宣明兩曜之光崇重萬國一作之本與夫遊神姑射義豈同風養道大庭禮誠異日天下臣子不勝慶幸臣限以所守不獲拜候闕庭無任屏營之至

賀皇太子知軍國表

前人

臣某賤伏見七月二十八日皇帝宣詔後篇作軍國政事並權委皇太子殿下勾當者後篇有伏以皇帝陛下躬勤

黼衣志奉山陵後篇作恭慕積中殷憂發外瞻九

廟之重須有繼承以萬機後篇作方為煩期在宴息伏惟皇太

子殿下日躋睿哲天縱欽明繼丕業而克曆重昌嗣鴻名

而文功累盛事有光於往古慶類表實被於殊方率土臣

心後篇不作無任欣戴臣限以後篇作於鎮守遠在方隅不後

未作獲倍慶宮庭抃舞稱賀瞻戀踴躍之至謹奉牋以

聞

此篇六百二十七卷重出今已削去

文苑英華卷第五百五十七

表六

文苑英華卷第五百五十八

賀赦一

為崔冀公賀赦表一首

禮部賀改永真元年表一首 為宰相賀赦表一首

賀上尊號後大赦表一首 賀赦表十二首

為崔冀公賀赦表 陽於陵

臣某言送赦書使某人至伏奉月日恩制大赦天下臣聞

獻歲之初也惟天所以布和將以發生萬類故降之春雨

俾澤及群品也明后始立也惟君所以使令將以昭蘇萬

國故降之以大赦蓋與人更始也伏惟陛下道叶千齡克

膺聖嗣光乘八葉式纂鴻休則高天以布和法文明以施

令故大赦天下殊澤霈然德及群生宥加殊死薄賦棄債恤孤養老不頒瑞物所以戒驕也節省其用所以防侈也卑宮非食所以昭儉也黜邪去佞所以懲惡也任才用能所以勸善也賞勞錄効所以報功也睦親敦族所以明孝也招諫納言所以聞過也尊賢容衆所以興化也三事用殷六府孔脩九功既備無得而稱四海乂安斯爲盛矣矧夫省不急之務損太官之膳外廢五坊內減六宮釋鷲鳥於長林縱猛獸於深谷俾鳥獸咸若黔黎用康舉五帝之闕遺行三皇之聖化自三皇兩漢以來無可比也臣權叨連帥職守藩隅備位明朝幸逢昌運不獲與千官接武稱慶闕庭無任

禮部賀改永貞元年表

柳宗元

臣某等言伏奉今日詔集作今月九日冊皇帝改貞元二十一年爲永貞元年自貞元二十一年八月五日昧爽以前應犯死罪特降從流流以下迺降一等者寶命方始聖曆用彰載宣昭臨之明遂施渙汗之澤臣某等誠慶誠賀頓首頓首臣伏以類表重光下濟積慶旁流類表作流行漢祖推奉教之尊文王遂無憂之志正名紀曆表運行於萬方宥過輕刑流汪濊於四海歡呼抃蹈遐邇攸同臣某等親奉聖暮仰承大化踴躍之至倍萬恒情無任蹈舞欣慶之至

爲宰相賀赦表

就南郊撰進

臣某等言伏奉今日制書大赦天下者臣與百執事奉揚
 宣布與億兆衆舞抃一作舞歡呼自天降和率土同慶臣某
 誠歡誠抃頓首頓首伏惟皇帝陛下出震御極建元發號
 大明升而六合曉一氣薰而萬物春肆眚措刑滌瑕蕩穢
 凡在圖首納於歡心矧又祗祀天地孝享宗廟蠲減租債
 策徵賢良褒德及先賞功延嗣敬賓養老念舊睦親生人
 之積弊盡除有國之類綱必振况陛下承二百祀鴻業之
 重纂十二聖耿光之初始奉嚴禋新開寶曆天下之目專
 然觀陛下之動天下之耳顚然聽陛下之言斯則陛下出
 一言不終日必達於朝野舉一事不浹辰必聞於華夷當
 疲人求安思理之秋是陛下敬始慎微之日苟行一善則
 可以動人聽而歌舞况其衆美信足以感人心而和平康
 哉可期天下同慶臣等謬居重任幸屬休明慙竊股肱喜
 深骨髓歡抃悚躍倍萬常情無任鼓舞慶幸之至

賀上尊號後大赦表

臣某言伏奉某月日制書大赦天下跪捧宣命蹈舞歡呼
 自天降休率土同慶臣某誠歡誠抃頓首頓首臣聞玄功
 盛德非鴻名不能形容物厲人疵非皇澤不能蕩滌自非
 上聖莫能兼之伏惟元和聖文神武法天應道皇帝陛下
 纂承大業子育群生信及豚魚威殲梟獍削平寰海混一
 車書億兆一心願崇大號從人欲而俯膺盛禮暢時和而
 廣洽鴻恩蠲減賦租振拔淹滯命黜陟以別臧否開諫諍

而策賢良宿弊必除舊章咸舉帝王能事盡集於今凡在
生靈孰不幸甚臣諺當委擢職奉詔條抃躍之誠倍萬日
品限以官守不獲稱慶闕庭無任鼓舞慶幸之至

賀赦表

崔融

臣某言臣伏奉 元年十月十日墨制以二月為正大

赦天下服周之冕衣冠混於無外行夏之時正朔覃於有
截伏惟皇帝陛下天地合德曆數在躬交日月於龍躔會
風雲於鳳紀取新之化首出於九皇除舊之恩曲成於庶
類加以載懷孝享肅事天田休聲動於萬國盛禮懸於百
代比在形氣孰不昭蘇微臣慶偶時來榮沾日用同草樹
而知樂類鳥獸而增歡跡雖限於一隅心每馳於雙闕抃

舞昌運倍百恒情不任屏營之至謹附賀正使某官奉表

稱賀以聞

賀赦表

此下六表英華以為李邕作按邕天寶初
卒而六表在代宗德宗憲宗時故英華五
百五十九卷有重出一表題云
李吉甫又唐類亦然今從之

李吉甫

臣某言伏奉某月日制大赦天下至德純茂鴻私浦洽中

臣聞聖人紹統必建元良王者郊天是崇嚴配伏惟寶應

元聖文武皇帝陛下嗣守鴻業光膺駿命奉先思孝誠已

達於幽明立嫡以長義仍深於燕翼皇猷允塞墜禮咸甄

俯弘作解之恩式布惟新之令若乃絳瑕蕩穢雷雨之施

也茂時育物天地之仁也薄征弛力政理之源也錄功念

舊敦勸之方也加以躬儉節用捐珠棄玉執喪者俾從達

禮繁獄者咸釋明刑啓進善之門開一作廣直言之路德殷
虞夏義掩義軒凡在宥刑孰不欣悅

類表作貞元二十一年賀大赦表同前後篇作賀貞元大赦表前人

臣某言伏奉二月二十四日制書大赦天下德洋恩溥遠

洽爾安億兆欣欣罔不幸甚臣某誠歡誠喜頓首頓首伏

惟陛下體元聖之姿膺出符之運類表及後篇作纂奉呂圖光膺寶曆統理

萬事建中于人躬大禹之菲薄奉後篇作本玄元之慈儉損已

以益下約身而愛人捐珠玉而不玩斥綺類表作織麗而不御

事有妨於農業物有害於女工人力所破上心攸蕩自此

罷黜歸于典常若乃投荒禦魑之倫觸網嬰羅之類或炎

裔淪屈骨肉相從或因囹幽囚饋餉不至皆陽和所未煦

雨露所罕未一作霑靡不沐浴天波昭覩白日然後表捐軀

之烈所以勸忠廣自棄之仁所以敦孝虔奉寢廟輟玉輿

之資惠緩市估發金錢之積異類均懷土之志高年加挾

纊之恩斟酌泉貨之源變通惠利之弊逋債咸已謹直必

容如天之湛恩廣矣稽古之能事備矣彼鶉衣之徒類表作珉

飴背之叟孰不擊中衢之壤共樂於堯年詠太階之符同

躋於壽域况臣謬當共理職在撫循欣後篇作惟抃之誠倍萬

恒品不任踊悚後篇作悅之至謹遣當州軍事衙前虞侯王國

清奉表陳賀以聞臣某誠歡誠喜頓首頓首謹言

此篇五百五十九卷重出今已削去

同前

前人

臣某言伏見制書大赦天下以今年正月一日改為元和元年者臣聞行慶布和允光於獻歲履端居始實屬於元正將大有以惠人乃順時而布令法五始之要流恩而降澤統三微之曆觀象而建元正朔所加遐邇忻戴中賀伏惟皇帝陛下大孝嗣業鴻猷啓圖順天地而發生均日月而齊照馴洽飛走煦育生靈既承太宗文武皇帝之耿光稟保壽天皇之嚴訓百神饗德萬國宅心敷作解之澤布維新之典將致和平蠲京畿之逋債言念水旱薄江淮之征賦開羅網以宥過崇勲秩以賞勞弘褒酬之典澤被幽明旌忠烈之臣賞延於代闡庠序以勸學愍耆艾而加禮恩覃有截化洽無垠超溢虞夏掩映軒頊首出千古遐冠

百主億萬斯年永荷天祿臣謬當任用分鍾濬維不獲奔赴闕庭親覩盛禮

同前

前人

臣某言伏奉某月日恩制大赦天下一人百慶百度惟新戴天履土罔不欣抃中賀臣聞天地元功施雨露以育物帝王繼統昇日月以垂耀群品資始萬方文明伏惟皇帝陛下嗣守鴻業光膺駿命淳化均於四序大德合於二儀保寧社稷光宅區宇弘孝慈以御下崇恭儉以垂休恩覃浹旬事冠今古沉乃順時布政乘春導和敷作解之恩宣在宥之典九族既睦四門廣闢而又洗滌幽繫雷雨之施也歸還流竄羅網之釋也移叙貶黜覆載之仁也蠲除逋

債政理之源也褒寵勳賢激勸之方也廢金寶之貢有以彰儉德也搜遺逸之士有以表至公也元勳宿將賞延子孫庶尹卿士榮周存沒廣直言之路啓進善之門德超虞夏道掩軒頊必將平一殊俗發揮大猷億萬斯年永荷天緒臣謬當任用述職藩維不獲奔赴闕庭臣無任云

同前

前人

臣某言伏奉今日日赦詔自上下下由衷尊尊參天地之大名貴聖文之崇號休氣宛秀彌漫雲天煙景昭華光融草樹臣誠歡誠踊一作再舞再蹈者有以副萬國之歡情增九廟之炳靈矣臣聞孝子事父誠奉其色忠臣事君將順且美皆疑殊外獎情實內殷超邁盈耳之言適會因心

之義所以然也伏惟陛下道弘一德功蓋四時辰象肩以煥其文雷霆無以雄其武固以業振今昔事溢名言雖僉臣子之謀莫究圓方之廣所謂塞元命起兆人群岳騰聲長河變色宜其雷振於地慶蟄戶之出幽日飛於天賀霄極一作之開朗是以神魚載舞祥鳳載鳴况於人靈况於榮位乎徒張三寸之舌不足以談聖猷空捐七尺之軀不足以為報明主無任大慶欣抃倍百之至謹遣所部宣德郎某奉表陳賀以聞臣某誠惶誠恐頓首頓首

同前

前人

臣某言伏奉七月三日冊皇太子詔書大赦天下臣聞元良者宗祀之本枝赦宥者含育之全德伏惟陛下赫然光

大日昇於天巍然崇高岳鎮於地萬齡為度壽物咸春東
海注百川之朝北辰列眾星之拱笑龜鶴之將老朝龍鳳
之未伸但以禮備儲宮德刑廣物挺黃沙之罪再荷生成
洗白玉之瑕俱承渙汗中外一命錫無戰之勲壽考百年
調不耕之粟莫不抃舞帝極頌歌聖慈萬歲之聲夷夏一作
華合聽九成之樂天地同懽臣父沐鴻恩竟無上答悅豫
之至倍百恒情謹因進樂使某陳賀表以聞

同前

獨孤及

臣某言中使某至宣示赦書大赦天下者臣伏以作解宥
過前王之茂典嚴配享神聖朝之縉禮非大孝無以肅祇
宗廟非洪勲不得告承天下伏惟皇帝陛下誕敷文德昭

烈武功鋪於八埏橫被四海拯兆人之苦恢累聖之洪

業代叛問罪電發王師為人除寇為時誅惡陛下恬神凝
累儲道蘊德以義制事以欲從人雷霆之震也心不恕於
兇戾元惡之戮也勲不書於簡策淡泊功德陰隲萬邦大
哉聖王之為君也無德而稱矣頃者賊臣伺梟獍之變翠
華巡遊四方愁冤百神震駭誅剪大憝清復闕庭事不稽
於浹旬慶已延於億萬接踵之禍又起近郊犬羊猖獗相
繼夷滅然後舉墜典脩禮文鑿革繁苛搜揚嘉遁自上古
之所不臣前聖之所未賓撝毓而來悅我聲教掃除氛沴
日月載貞大安反側上下交泰而又發德音降明詔歸過
罪已降去鴻名含生動植許遂其性草木知感况在人倫

今以履端之初先陳盛禮豐絜簡易應時順人展敬於郊壇薦誠於清廟丕昭列聖咸秩神祇臣聞之仲尼曰明乎郊社之禮禘嘗之義是陛下德合祖宗道符三五慶于社福與天無疆鴻私湛恩溥施萬國洗蕩痕垢咸使維新牢獄空虛囚拘蕩滌禎祥鬱于川瀆嘉氣塞于乾坤天下臣妾不勝慶幸

同前

前人

臣某言伏奉今月某日制大赦天下恭承恩詔宣布藩隅負瑕累者咸荷生成被傷痍者如蒙覆育中賀臣聞春以首時蓋本於陽德澤以周物取象於鴻私伏惟皇帝陛下出震繼明體元立極作解施會順時致和問安禮備於三

朝班朔恩加於九有猶念刑不可變死不復生泣辜與茲

納隍軫慮與民更始其命惟新禦魑魅者復還係在梏者

咸宥卅檄

一作檄

無滯黃沙已空踈漢網而遠無不宥祝湯

羅而下無犯順雖水旱繫於常數每惻憂勤以征賦本於

黎人載加蠲貸應天以實推已以誠疇庸懋能自家刑國

或圖舊以延賞或錫類以崇先日月遍燭於幽明雨露不

私於中外舊章備舉墜典咸秩崇儒術所以弘教化旌孝

義所以厚時風憫耆耄而廩賜有差廢橫斂而凶荒是禦

皆歷代哲王之茂典今陛下脩

一作

而行之洋洋聖謨曠

所聞見雖虞帝之孝殷后之仁垂拱而人無間然韃橐而

兵不復用方於今日未足比崇

臣

幸屬昌期謬領藩服官

惟責實未効消埃之勞賞及無功亦洽一作渙汗之寵拜恩竊抃倍萬恒情

同前

劉禹錫

臣某言伏奉今月一日制書改太和十年為開成元年大赦天下者雷雨作解人神悅隨澤及八荒網開三面臣某誠歡誠喜頓首頓首伏惟皇帝陛下上承乾綱下立人極用含弘光大之德集作副華集作夏會同之心獻歲改元惟新景祚先明首罪次及群妖述睿情以曉萬方施鴻霽以蘇庶物恤刑集作宥過已責弛征郡縣之舊弊悉除賦稅之新規咸備停藩方節獻之禮以惠疲人廻摧筦餘羨之財以資京邑命使展澄清之志察言求謹直之材弓旌

育乎丘園粟帛頒於耆至集作爰以初告御于明庭德音一發於九天和氣驟同集作於四海開物成務實表於建元應天順人永延於億載臣幸居近輔先受殊恩不獲稱慶闕庭陪榮班次衆星列位常拱北辰之尊集作新歲拜章遙獻南山之壽無任抃躍屏營之至

同前

令狐楚

臣某言臣伏奉今月十一一作日制書玄德融明聲聞於宗廟鴻名光大充塞於乾坤與物皆春大赦天下臣當時宣流渥澤騰布耿光恩均而萬物昭蘇慶洽而三軍鼓舞臣賀臣聞覆載無私天地所以為大德照臨不已日月所以為大明六位因時以成功一作觀象而設教肇自

古昔垂為憲章伏惟睿聖文武皇帝陛下並日而明配天
為大冠三皇之道弘十聖之風保合大和緝熙帝載是以
廓清氛霧曾不累旬度一作奉郊禋未嘗虛歲百蠻梯航
以內面萬國歌舞而宅心所謂巍乎其有成功煥乎其有
文章也尚復勞謙之席勤恤納隍釋纍繫一作之幽囚無
分輕重歸遐遠之放逐不問存亡棄逋債一作於窮人戒
多求於貪吏憫朔邊之介士厚其寒衣恢武功也褒闕里
之胄嗣一作賁以布帛振文教也推恩而九族既睦行慶
而六師用張忠貞必表於門閭耆耄遍蓋其牢醴百神咸
秩一物不遺安人之所未安理人之所未理天波渙汗綸
旨一寧有以知天地覆載之二有以見日月照臨之德天

下臣妾不勝慶幸臣限守藩結臣不獲稱慶闕庭無任抃躍

欣賀之至謹遣某官奉表陳賀以聞一作皆唐類表

賀赦表後篇作為鄭尚書賀登極赦表

臣某言伏以類表二月二十四日制書大赦天下者霑澤

自天鴻恩匝後篇地三軍萬姓不勝慶躍後篇日開天地

至大或有所不容日月至明後篇有所不煦伏惟皇帝

陛下體元繼統垂象立極齊軒昊之玄化冠唐虞之至仁

敷大號於天中揭明蕃於日下臣以為覆載之德大於天

地矣照臨之光明於日月矣何則用刀鋸而伏斧鑕者無

重無輕陛下捨之投豺虎而禦魑魅者無遠無近後篇陛

下移後篇之免逋宿履後篇畝之租罷雕華任土之貢

出後宮之伎樂還外國之俘囚褒崇先首於二王敦叙旁

周類表於九族明徵義烈各錄其裔胄後篇作悉數忠勞

遍增其爵級宣股肱之力者賞延於上後篇作效瓜牙之任

者賜出於中搜淪滯之才遷又次之秩聘士既尊於經術

問年必本於期順在幽隱一作而不遺雖細微而皆後篇

必及歡聲雷動喜氣雲騰百姓知聖人之仁萬物覩聖人

之作普天率土無不慶幸臣叨居藩服累沐後篇恩榮抃

舞欣歡倍百恒品所守有限不獲稱慶闕庭臣及後篇將

士官吏百姓等無任踴躍屏營之至

此篇五百五十九卷重出今已削去

文苑英華卷第五百五十八

文苑英華卷第五百五十九

表七

賀赦二

為建安王賀赦表一首 為益州刺史賀赦表一首

賀廣德二年大赦表一首

賀永泰改元大赦表一首

為譙郡唐太守賀赦表一首

代路冀公賀改元赦表一首

賀平賊赦表一首 賀南郊大赦表一首

賀貞元大赦表一首

代常中丞賀元和赦表一首

代杜司徒賀大赦表一首

禮部賀冊皇太子禮畢赦表一首

賀冊太子赦表一首 為監軍賀赦表一首

為鄭尚書登極赦表一首

中書門下賀赦表一首 賀德音表二首

為建安王武攸宜為同州刺史賀赦表武后富嘉謩

臣某言今月七日奉十月二十三日制書大赦天下日者

關輔之地鑾輅曠遊山川望幸積有年歲是以西土耆老

東首累祈瀆城隍脩宮室考舊邦之式稱長安之盛福應

旋一作還至嘉穀屢昇故奉時無違乘輿乃降六龍大動群

方咸悅蓋三光增曜而漢祚隆萬戶加嚴而高居壯紫宸

端拱朝諸侯而垂統鴻霈一作寢流恩申三宥而作典浹洽

邇邇孰不抃躍臣寄重軍州地連肺腑載覃天恩不勝

豫無任踴躍之至謹奉表陳賀以聞謹言

為益州刺史賀赦表中宗 閻立均

臣某言伏奉二月二十二日制書大赦天下恭惟大賚

踴躍無地臣聞德至於天禎符幽感業齊於聖神物昭光

伏惟應天皇帝陛下纂復睿謨祇定天保英茂開聰聖之

體文章煥皇王之列烈道疑作祿錫胤卜食延休順天

翊聖皇后垂耀軒轅命兆沙麓明章教訓以致其功陰祇

助宣於陽靈坤德承順於乾道是故貺流椒掖慶發瑤筵

祥裔五靈一作祥絳丹黃而振色禘榆六服合黼藻而融

文皇歡載紆滂澤時降洗滌逋穢洽潤資生 宥 死之

懋榮加命婦之爵凡在區宇孰不載欣臣忝二方岳化理
篋聞叅一物而霑恩齒同列以稱慶無任下情蹈舞之至

云

賀廣德二年大赦表 代宗

元結

臣某言臣伏奉某月日赦某月日宣示百姓訖伏惟皇帝
陛下以慈惠馭兆庶以謙讓化天下凡所赦宥皆允人望
凡所敦勸皆合大經生識之類不勝十八幸臣方領陛下州
縣守陛下符節不得稱慶下位蹈舞闕庭不任歡戀之至
謹遣某官奉表陳賀以聞

賀永泰改元大赦表 代宗

前人

臣某言某月日恩赦到州宣示百姓訖臣百姓貧弱者多勞

苦日久忽蒙惠澤更相喜賀歡呼抃躍不自禁止伏惟皇
帝陛下增脩典禮弘正紀度勞謙慈惠與人更新此實興
王之盛烈明聖之至德載履天地誰不慶幸臣方鎮守州
縣不得蹈舞闕庭無任歡欣之極集作謹奉表陳賀以聞
為譙郡唐太守賀赦表 獨孤及

臣某言伏奉二月五日制書大赦天下喜氣動天榮光被

物鬼集作神踴躍衆庶悅豫臣某誠歡誠喜頓首頓首臣

聞天類表道所寶莫先於慈聖人之德無以加孝陛下執

大象以御物不得已而用兵假一戎之威為萬物戡難再

造區宇以康黎元慈之至也纂服配天不失舊物然後增

鴻名以嚴父正榮號以恭已元元本本尊尊親親孝之大

也猶慮物有不遂其性政有不阜於俗弘肆青之恩與天

下更始滌瑕蕩穢燭幽及微風行物表鏡照海內雷作而

萬戶蟄振網開而三面鳥飛陽春無私品物何幸臣位忝

邦守預沐渥類表恩無任抃躍之至謹奉表陳賀以聞

代路冀公賀改元赦表

王綽總目
作縉

臣某言伏奉某月日制書大赦天下改元罪無輕重一皆

蕩滌率土生靈孰不歡抃臣聞生植長育天地之大德在

宥布和后天之盛典伏惟皇帝陛下以道御時與天合運

當文武之際恢中興之功轉黃道而三象昭明彭洪鑑而

二儀貞觀方告成於郊廟且降祉於人神而猶旁詢時議

中守謙德爰輟盛禮載布湛恩正元氣以紀年惠一作人

一作聖化緩死申柔服之義念功宥脅從一作之徒然後

用唐虞官人之訓追周漢考績之法節用所以厚下懋賞

所以勸勞誠明動天地利澤施四海大易云神武不殺太

上稱仁方之聖猷實有懋德臣諺專方鎮獲奉明詔疲勞

何幸沐浴皇風欣抃之至倍萬恒情云

賀平賊赦表

戴叔倫

臣某言伏奉某月日制書大赦天下雪滌痕累發生枯朽

榮光被於草木和氣貫於華夷含生之徒罔不胥悅臣聞

氣沴為杌蒙蔽二曜而祥風掃蕩無損日月之光狂逆亂

常震驚四海而玄功戡定不虧天地之大伏惟皇帝陛下

文武繼聖聰明在躬協堯舜之心崇禹湯之德清廟禮展

圓立敬申猶顧已以求瑕布恩澤以滌一作原過康哉沛乎
虞夏之盛典也臣忝職藩條實慙尸曠徒積歲星茂聞化
理望九重而稱慶齒百辟以霑恩瞻戀闕庭慶快之至

賀南郊大赦表德宗

呂頌

臣某言伏奉去年月日制書禮展郊禋告成上帝一作展

郊丘恩霑動植道洽幽明東風變而四海春聖帝一作人

而萬物覩懷生庶類罔不歡抃中賀伏惟皇帝陛下體元

立極撫運受圖御一氣以乘乾飛六龍而出震德合天地

明齊日月叶三光之幽贊承八聖之睿謀頃者國步未康

王室多難兵纏禍結害及生人塵飛寢園燧燭郊甸陛下

乘時順動鑿駕南巡凡在食土之毛圓首之類豈一作莫不

號天向闕望氣瞻星遂得猛士雷奔義旗雲合西戎自勦

北狄爭驅一舉而氛祲掃清蹙勞而寰宇大定則知千年

降聖天命有歸六合奉尊神噐斯在今農郊罷戰邊徼無

虞九有一作偃戈八一作萬方同軌荷皇慈之覆育知聖祚

之靈長匪人革心罔不咸率陛下勤禹湯之罪已法堯舜

以爲心肅恭神明虔奉宗廟損抑徽號憂濟黎元始自迎

長之初大申報本之禮冊勳旌舊列爵分官宥死緩刑掩

骼埋齒粟帛周於耆老一作莫酌及於幽冤天覆海濔與

人更始釋羸俘於死地俾異域而生還赦枯木之嚴刑蠲

執弓一作之常賦臣及三軍百姓變夷酋長等伏讀制書

沐浴玄澤莫不喧呼抃躍蹈舞徘徊絕徼窮荒盡沐生成

之造翺飛蠢動俱承雨露之恩臣限以藩守不獲稱慶闕庭無任踴躍慶抃之至一作皆唐類表

賀貞元大赦表已見五百五十八卷

李吉甫

代帝中丞賀元和大赦表憲宗 柳宗元

臣某言伏奉正月二日制書大赦天下永貞二年宜改為

元和元年者太陽既升煦育資始霈澤斯降膏潤無遺臣

某誠慶誠賀頓首頓首伏惟皇帝陛下仁化旁流孝理弘

闡紀元示布和之令肆肯見恤人之心曠然滌瑕得以遷

善渙發大號申明舊章農有薄征市無強賈集作價勲勤是

錄爵秩以集作已班寵寧間於幽明澤必周於夷夏近甸輕

權酷之入遠人忘水旱之災既行慶於官類表寮亦推恩

於天屬諸生喜黌塾之廣庶老加絮帛之優量入所以備

凶與廉期於變俗爰褒有客尊賢之典惟新載奉素王宗

予之道斯在綸言一降庶政畢行懷生之倫感悅無量臣

某守在遐遠親奉詔條踴集作踊躍之誠倍百恒品無任感

恩抃舞屏營之至謹奉表陳賀以聞

代杜司徒賀大赦表憲宗 呂溫

臣某言伏奉集作見今月二日制書改元元和大赦天下新

雲雷集作雷雨之澤重日月之光仁被幽遐慶覃動植三元經

始萬化惟新臣某誠歡誠抃頓首頓首臣聞羲軒馭宇類

表堯舜為君德莫盛於好生政莫弘於在宥然而事資體

要理極精微百王所難千載斯遇伏惟皇帝陛下纂臨大

文苑英華 卷五百五十九 進

寶光啓睿圖當獻歲之元順陽和集作春之氣朝前殿御正

門發德音布慈旨明大孝之本褒至忠之後省役輕集作徭損

稅以清疾苦之源蕩累滌瑕以厚廉耻之俗往典之所未

舉前代之所未該莫不悉出宸衷咸歸聖政坐聞仁壽之

域行集作侍見雍熙之朝集作期凡在生靈孰不慶幸况臣陳

力滋集作歲又受恩最深而蒲柳餘年犬馬多疾不獲奉觴

丹陛蹈詠康衢猶蒙天眷留 聖慈曲至特降中使俯加

慰勉衰憊增氣枯朽生光施重丘山感深骨髓闔門灰粉

豈足上報無任喜抃集作懼屏營之至

禮部賀冊皇太子禮畢赦集作德音表 柳宗元

臣某等言伏奉今日制書皇太子冊禮云畢恩與萬方同

其惠澤者盛典斯舉鴻恩遂行凡在率土不勝抃躍臣某

等誠喜誠賀頓首頓首伏惟陛下克奉神休以正邦統建

天下之本宗廟以安致萬國之貞兆人休賴典冊既備慶

澤載流既廣愛而推恩亦好生而布德緩刑而曰罔知感

進勲而嗣續增榮崇教諭之方忠良是舉嚴贊相集作褒之

禮賜與有加旌孝悌以厚於人倫敬鬼神而脩其祀事况

行禮之日則屏翳收蹟太陽宣精用彰出震之休更表重

離之耀神化旁暢皇風遠揚自華及夷異俗同慶臣某等

謬參著定倍百恒情無任歡慶踴躍之至

賀冊太子赦表

令狐楚

臣某言伏奉今日九日制書皇太子冊禮云畢恩與萬方

同其惠澤者國慶遐宣天波曲被懷生之類咸共欣榮

賀臣 聞德教所加一人有慶元良既立萬國以貞伏惟皇

帝陛下至化旁流神功廣運以為義莫重於主鬯禮無大

於承祧考古揚前星之光順人類表作特弘少海之澤誕敷明

詔宣告庶萬英華作萬國非雷初動於地中風已行於天下類表作正

由是哀矜罪戾甄獎功勳類表作動勤表順孫孝子之門秩名

山大川之祝仁無不殫慮無不均草木惟繇鳥獸咸若率

土臣予不勝慶抃臣限守藩鎮不獲陪位闕庭踴躍稱慶

無任屏營之至

為監軍賀赦表

前人

臣某言今月四日節在使伏奉制書大赦天下者渙汗大

灑滂沲鴻恩降白九千八被於四海懷生之類無不慶躍

賀臣聞天地之大德本於生成聖人之全功在乎化育伏

惟皇帝陛下至明立極大聖統天法真觀之宏規纂建中

之盛業降哀矜於罪戾一物不遺頒寵賚於忠勤萬方皆

及事遵儉約道在寬弘散作仁風灑為膏澤率土臣下不

勝歡喜臣限以監守未獲奔走稱慶闕庭不勝戀結欣戴

之至謹遣某官某奉表陳賀以聞

為鄭尚書賀登極赦表

已見五百五十八卷

前人

中書門下賀赦表

憲宗

令狐楚

英華作獨孤及非

臣某言伏見今日制書御冊鳳門大赦天下者明照六幽

澤流九有臣等誠歡誠喜頓首頓首臣聞履禱生成乾坤

之盛德疆理化育帝王之極功伏惟睿聖文武皇帝陛下
受天元符纂聖光宅躬夏禹之勤儉體帝堯之聰明除惡
必絕其根耀武威而四凶既殛制政皆循一作其本振文
教而百度惟貞今者東風發春元日獻歲凝旒視朝於正
殿步輦臨御于應門開麗鴻之湛恩孚渙汗之大號萬物
瞻覩兆人允懷至若移其放逐解網一作之仁也弔彼傷
殘納隍之義也罷開市之征稅足以弘聖人厚下之風褒
卿士之祖先足以廣聖人追遠之孝潛蟄一振槁根一作
盡榮普天率土不勝慶幸臣某等謬司樞務虔奉德音喜
抃之誠倍百恒品無任慶躍屏營之至

賀德音表 憲宗

前人

等言伏見今月二十八日制書普類表安群生憂濟

庶士每念下農艱苦賑紅粟而流衍知貪賈滯財禁青蚨

之飛走千官聳聽萬國欽聞中賀臣聞損有餘補不足太

上類表之教也歛以輕散其重哲王之制也肇自古昔

垂為憲章其或法因情遷事與時異則物力甚屈人心用

咨是故書載行之惟艱史稱守而勿失伏惟睿聖文武皇

帝陛下紹興丕圖光啓鴻業勤恤人隱精知化源以為麥

禾雖登農食猶歉布帛大賤女工必傷因發生之時下慈

惠之詔清問疾苦昭宣令宜嚴除暴征令已逋責首自京

國達于淮湖三方雖遙如視以宸鑒萬機類表誠衆皆經

於睿心自然事耕桑者忘四體之勤游市井者樂一朝之

便慶共雲布恩隨風翔率土之內不勝慶類表幸臣等叨
逢聖運預類表列班榮攀日月之光無能獻替遇雲雷之
澤空荷霑霑捧戴德音不任抃躍屏營之至

賀德音表 文宗

劉禹錫

臣某言伏見今月十六日德音布告遐邇邇天道下濟人情
大安 中賀伏惟皇帝陛下凝旒思理垂衣擇材以日月無
私之光照寰區有截之內貴使下情盡達寧虞厚貌潛謀
一昨李訓鄭注等敢有逆心無連兇黨陛下睿謀神斷左
右協同集作頃刻之間掃除已定重臣畢力禁旅竭忠氛
侵廓清華夷咸悅言念政刑之外或有註誤之徒再發德
音廣宣聖澤當星紀迴天之日迎陽和煦物之光懷危疑
者如山之安欲告訐集作者望風知懼非同謀者一切不
問未結正者三宥從寬含生之倫普天同感臣恪居官次
不獲稱賀闕庭臣無任

此卷英華所編失年代先後之次序今正之

文苑英華卷第五百五十九

文苑英華卷第五百六十

表八

賀赦三

為李中丞賀赦表一首 為潤州太守賀赦表一首

為吉州太守賀赦表一首 蘇州賀赦表一首

代鄜州太守賀赦表一首 為李諫議賀赦表一首

連州賀赦表一首 代鄭尚書賀太后禮畢赦表一首

為汝南公華州賀赦表一首

為京兆公陝州賀南郊赦表一首

為汝南公以妖星見賀赦表一首

為李中丞賀赦表

玄宗幸蜀時

蕭穎士

臣某言中書省馬崇至自蜀郡伏奉八月一日制書大赦

天下罪無輕重咸蒙洗滌履宗之辜亦賜原有惠澤決於
存沒恩榮被於一作出處聲動夷夏氣感風雲含齒戴髮

孰非幸甚鑠哉沛乎震后肆赦義文作解之盛典也臣某

中賀臣聞乾靈肇運亭育萬方其德至普而或水旱流行

氛沴表見然後蕩之以祥風煦之以和氣而品物熙焉聖

人立極平章庶政其道至明亦或四凶在朝三苗逆命然

後寘諸嚴刑被以文德而官方正焉伏惟開元天寶聖文

神武證道孝德皇帝陛下續戎累聖惟新舊服天成地平

萬邦作又德禮備舉符應爰臻一作下加有隕一作四紀一作

紀于茲矣由是嚮明端拱肅居玄默布大信於群后絕

熒疑於纖芥狐鼠憑依倣擾一作入紀陛下垂泣辜之昔降勤

卹之令將士勵節黎庶歸仁咸思赴蹈指期蕩定開泰之

辰計不忘遠臣又聞之昔上皇御辨祗車巡於谷口盛漢

膺運賓旅奮乎關中蓋風謠尚武可以大殲醜類會昌建

福可以永保邦家前古休期復見茲日臣嘗叨近侍謬佐

藩牧千里景從不及扈遊之觀百城風靡空懼分憂之責

魂馳井絡戀結巴渝無任感激悅豫之至

為潤州太守賀赦表代 柳

臣某言臣聞元氣氤氳生成道達聖王教化恩煦流行自

昔仁壽之時皆同寬大之典伏見五月二十九日恩制昭

洗庶獄廓清萬寓億兆欣戴人神叶心臣某中賀伏惟寶

應元聖文武皇帝陛下體元立極至德提運俗阜和平之

理天垂景福之祥故得年穀大豐五兵不用倉廩既實禮
義興行此已道合一作洽義軒功格天地陛下聖德之至勞

謙恤隱猶慮淳風未溥雅咎或多務寬典刑以廣覆載當
一陰始生盛陽用事言念冒犯慘酷幽閉囹圄降玄猷渙

汗之恩贊朱明長養之氣而使省躬者自新有路懷生者
得遂其情枯朽重沐陽和雲煙助為喜色元元感戴皆見

聖明一作慈遇此昌時生靈何幸臣忝述職字人不任抃舞
欣躍之至

為吉州太守賀赦表德宗

臣某言伏奉今日日詔書大赦天下禹湯罪已霑澤既同
昇浞負恩姦謀自斲中賀伏惟陛下以大聖匡難弘慈御

物而賊臣棄義乘亂一作敗常爰幸近郊方勤遠略改元

更始統曆惟新猶復惕厲懷柔誠明引咎務好生之德恩
覃萬類遵泣辜之典罪止元兇振廢滯而片善無遺安反

側而群邪革慮損去徽號帝堯之克讓也貶徹服御大禹
之師儉也罷摧筦之利征賦就恒正封略之侵干戈繼息

辟賢致理䟽爵報功減冗官而祿秩有倫優死事而存歿
知感喜氣充於六合仁風被於八荒孰非昭蘇罔不率俾

自然假息之孽與禩就誅改轍之徒束身請命八龍旋軫
萬國來庭不勞王者之師重集康哉之化臣忝守藩維不

獲稱慶闕庭抃躍之至倍萬恒品云云

蘇州賀赦表

柳宗元

臣某言伏奉二月十三日勅下垂拱臨軒親受典冊大赦天下與人更始中賀伏惟元和聖文神武法天應道皇帝

陛下用人情為田播殖萬類細微微妙靈通幽神洗滌滯危疑開釋罪罟酬勞而盡傾府帑賑用而大減租入逋負除而餒者自活力役省而耕者倍功繼絕存亡忠賢飲德於黃壤棄瑕肆青奪魄再麗於遺骸極天地之歡心盡帝皇之上事疲史臣之筆編簡難書涸詩人之思謳謠絕路臣摠集黎老伏讀德音不寤微生坐階仁壽不勝慶抃之至

宗元未嘗為蘇州此篇當考

代鄜州太守賀赦表

臣某言伏奉月日制書大赦天下鴻恩至德曠古鄰喜

氣休聲韶光共茂化流海外澤及荒陬震雷作解於九霄

渙汗霑敷於萬國生靈交感動植增榮中賀伏惟陛下天

覆地載昭升聖謩執契垂玄財成庶品搜百玉之墜禮舉

三代之嘉猷明達四門駿奔九有揭天綱以齊衆理運斗

極以示群方精微於玄造之源拯救於蒼生之弊釋縲械

於囹圄徵遺逸於丘園矜水旱所沴之方慎牧宰重難之

選蠲苛已責崇德報功有典必禋無文咸秩普天率土飛

翔所加俱臻仁壽之鄉一作共載乾坤之德臣忝承戎寄

職列藩隅雨露之恩草木同慶

為李諫議賀赦表

臣某言伏奉今月二十四日制書大赦天下恩覃九有化

被萬方至仁與陽和並舒大霈一作霈澤隨雨露借潤凡在品
彙莫不昭蘇臣某中賀臣聞天地功成是先煦育皇王立

極必治好生所以書著青災傳稱肆赦將其更始咸與惟
新廓氛霧於八紘凜塵霾於四裔幽隱有感動植懷恩朝
野交歡率土胥慶恩覃有截惠及無垠固天縱之知四門
已闢闡日躋之敬百度惟貞凜雪舊痕蕩除宿負宥赭衣
之罪得辨平人洗白玉之瑕復為重寶唯才是急仄席搜
揚阜俗為期常賦蠲滌悉中賦以贍經費罷別進以息疲
黎錫死事之官封幽明知感禮高年之粟帛老幼以安班
爵以勞動叙親以脩睦貌貅之士累治恩私縉紳之徒同
榮慶賞返繯囚於異域出閉幽於深宮感人心而理定體

乾道而化光澤及華夷仁霑草木含生之類孰不欣歡歌
一德之心邇遐齊貫傳萬國之慶上下同聲祥光若浮瑞
氣可覽億兆所未見古今所罕聞臣某備列班榮親覩盛
禮踴躍兢抃倍萬恒情無任慶悅之至

連州賀赦表

宗憲

劉禹錫

臣某言伏奉今月一日制書大赦天下者聖德廣運浹一作

洽于華夷天光下臨照被英華作幽蟄臣某誠歡誠躍頓

首頓首伏惟睿聖文武皇帝陛下神扶寶祚天贊鴻猷意

有所之事無不尅當淮甸類表凱旋之後是域中慶幸之

時順陽和以發生施霈澤於寰海網開三面危疑者許以

自新照達四聰瑕累者期於錄用求碩畫於庶位慮遺材

於放一作微臣旌忠烈之家賞勲庸之胤英華作後非仁及枯骨

無隔於寇戎榮加顯親普類表作並霑於存歿恤刑已責實廩

蠲類表作輕徭頒錫彰有客之詩崇儒叶宗予之望嶽瀆咸秩

耆艾飲和大僚承任子之恩武旅類表作士荷賜金之寵斯皆

禹湯文武之遺美高祖太宗之耿光集于聖朝然後大備

德音所至和氣隨之歡誼上徹於九天福祚永延於億載

能使遠夷屈膝豈唯小醜革心率土人臣不勝大慶臣父

辭闕下恪守海隅犬馬之誠倍百恒品無任抃躍屏營之

至

代鄭尚書賀冊太后禮畢赦表 令狐楚

臣某言伏奉五月二十八日制書十字一作伏審皇太后禮畢伏以皇太

曆光膺茂典誕受鳴獸一作恩榮慶賜覃被率土一作賀

臣聞天子以德教而兆人慶賴明王以孝理而百姓一作神

和平伏以皇太后秉德陰凝體仁坤厚弘是一作于內則順

于先朝道配軒皇之尊功參文母之盛伏惟皇帝陛下孝

承丕緒仁嗣寶圖則天之明事地以察昭彰慈訓光啓尊

名發德音於上玄流惠一作澤於下土一作陷踈網者許其臧

等養高堂者錫以加封粟帛遍霑於耆年門閭必表於仁

里是一作悉使懷生庶類行道群心非獨親親一無親字其所親無

不長人之所一無所字長湛恩布護盛禮豐融信可通一作乎神

明而光一作于四海天下臣子不勝慶幸正限於鎮守遠在

方隅不獲躬詣闕庭抃舞稱慶無任聳踴慶幸之至

文苑英華 卷八十五

五

手卷

此篇從唐類表而以英華木為一作

為汝南公華州賀赦表

李商隱

臣某言伏奉正月九日制書南郊禮畢改元為某大赦天下者奉郊禋以定天位新曆象以授人時乾健南明震動允悅歧行喙息罔不慶幸臣某中賀臣聞禋昊天而旅上帝者聖人集作王之重事覃殊休而發大號者哲后之洪猷故必致四圭以達誠制六噐而申敬將崇嚴配必在元旬先之以蒼璧辟牲重之以雲門大呂然後王猶有闕於薦敬爽彼告虔周官三代之文絕而不續漢氏萬靈之位失而莫尋豈若皇帝陛下以大道遂群生以至公臨寶祿上苞玄象下惣皇祇黜幽陟明興廢繼絕靈芝甘露鄙之而

不告史官赤鴈白麟陋之而不編瑞牒然後因孟春

集作月

擇

集作卜上辛率于國南式是歲首且天以陛下為子故必

饗明誠人以陛下為天故必流睿澤踰千越萬邁五登三

何則取

集作致

直言之科則聽輿論者不足算設宥過之令

則除鄉議者未可儔延賞推恩用以勸禦災捍患之士城

租退責將以矜水耕火耨之人養庶老頒淳縻煖帛之資

走群望潔剝牲瘞幣之禮古不覩者復覩古不聞者復聞

萬蟄蘇而六幽盡開五又藏而九土咸闢

臣

當時集軍州

官吏等丁寧告示訖况

臣

嘗備論思獲叨侍從當時仙禁

慙視草以無能此日泰壇望給薪而靡及徘徊旬服踟躕

關城雖有慶於文明竟無階於奔走司馬談闕陪盛禮沒

齒難忘蕭望之頌立本朝馳魂莫極無任抃舞結戀之至
為京兆公陝州賀南郊赦表 前人

臣某言 臣伏奉正月九日制書郊禋禮畢改元為某大赦

天下者既事虞郊復新堯曆天潢馮潤日觀揚輝普天率

土罔不慶幸 臣某 中賀臣 聞君人之孝莫大於尊祖王者

之敬孰踰於事天固必用因高之儀申嚴配之禮百神 集

做叙萬靈昭 集有乃可覃殊恩渙大號禮成而德備惠敷

而慶弘然而秦尚武功先祈禳之事故柴燎蕭薌未必饗

漢稱文物重神仙之道故雲門大簇未必和既不講於禮

官終致譏於儒者伏惟皇帝陛下與春生育並日照臨究

三代之質文酌百王之損益定午位卜上辛齊潔之誠先

掃除而遐達孝思之志叶氣臭以升聞然後推作解之恩

降惟新之令設科以招諫諍宥過以務哀矜已責既卹於

三農錄勲無遺於十代頒粟帛而養耆老走牲幣而徧山

川舉皇王之廢官盡古今之能事 臣 當時集軍州官吏丁

寧告示訖况 臣 嘗奉恩光叨君華顯當太史撰日之際猶

立漢庭及宗伯相儀之時已辭魏闕怙悵郡印徘徊使車

徒深傾藿之誠實積懸瓠 疑作 之歎邵公邑內敢思棠樹

以追蹤尹喜宅中唯望靈符之復出 臣 不勝慶幸踴躍之

至

為汝南公以妖星見賀德音表 前人

臣某言 臣伏奉某月日德音以妖星謫見思答天戒者 臣

當時集軍州官吏丁寧宣示訖仁深覆載恩極照臨究祖
宗之令圖極皇王之盛事圓首方足罔不欣慶臣其中賀

臣聞覆載莫大於天地而升集作騰降之氣或不接照臨莫

大於日月而薄蝕之度或有差豈唯休咎之徵自是陰陽

之事旋觀彗孛載考策書雖欲為災曷嘗勝德伏惟皇帝

陛下荆枝載茂棣萼重輝既居正以體元亦觀文而察變

仰窺星彩稍越天常於是深軫皇情重廻宸睠省躬之懼

洞感於幽明及物之恩畢霑於華夏戒田遊則成集作殷湯

祝網之意釋寃滯乃大禹泣辜之慈罷去脩營惜漢氏十

家之產勸課耕耘一作耘復周邦九歲之儲德已厚矣仁已

極矣然猶避寢自責撤膳貽憂以此延休何休不至以茲

備患何患能為足以高步三王平窺百古鞭撻守成之主

粃糠中代之君抑臣又聞之昔貞觀之理也太宗文皇帝

吞蝗而災沴息太岳之封也玄宗明皇帝露坐而風雨銷

炯戒猶存神靈未遠陛下永懷以斯厥有切欽承為其所不

為至其所不至佇見地泉流醴以八酒凝甘人知朱草之祥

家識白麟之瑞又豈芒角足懼且谷度可憂者哉臣素乏器

能謬當任使東雍西岳雖首化於百城日遠天高但心存

於雙闕聽金石而慙殊舞獸無羽翼而恨異真鴻唯當虔

奉詔條頒宣德澤成陛下無偏之道畢微臣盡瘁之勤所

冀不寘簡書免拘司敗如其禮樂非臣所能無任感恩戀

闕懇悃屏營之至

文苑英華卷第五百六十終

表九

文苑英華卷第五百六十一

賀祥瑞一

為西京百官賀老君見表一首

賀老人星見表五首

為汝南公賀彗星不見復正殿表一首

為成魏州賀瑞雪慶雲日抱戴表一首

為百僚賀雪表一首 為定王賀雪表一首

為納言姚璿等賀雪表一首

為宰相賀雪表一首 中書門下賀表三首

為京兆韋尹賀元日降雪表一首

為百官賀兩請復膳表一首

賀祈雨感應表一首 中書門下賀兩表六首

為宰相賀兩表三首

為西京百官賀老君見表 武后 崔融

臣某等文武官若干人言臣聞至德之運必有告聖之符

大道之行必有通一作神靈之應故虞舜氏作五老出遊於

河渚周武勃興四神來朝於洛邑伏惟皇太后陛下補天

為感配地居尊體國經野肇建惟新之業應天順人果得

非常之事伏見某日勅號州閩鄉縣界老君見并授鄔玄

宗語一作皓然鶴首至哉龍德若遊渦水之年疑往流沙

之路叙皇威之有截論國祚之無疆道可以濟天下功可

以侔造化玄言妙鍵關令受教而先迷神理希微河公願

而莫測方驗老人見於南極但謂承天黃人遊於後池

止云乘土固不可同年而議也臣等預睹嘉祥早參簪笏

惟神降福欣承帝系之隆惟德洞冥願奉玄元之慶無任

感悅之至謹附某奉表稱賀以聞

賀老人星見表 武后 武三思

臣守節等文武官九品以上四千八百四十一人上言臣

聞惟德動天必有非常之應惟神感貺允屬會昌之期天

鑒孔明降休徵者所以宣天意神聰無昧効嘉祉者所以

贊神功故黃一作赤鳥白麟載稱姬漢之日玄圭黑玉式昭

禹湯之代伏惟天册金輪聖神皇帝陛下潤色丕業光赫

寶祚執大象而御風雲鼓洪鑪而運寒燠浹四海輝華

六幽希代符來超今邁昔浪委波屬故合沓而無窮日臻
月見尚殷勤而未已伏見太史奏稱八月十九日夜有老
人星見臣等謹按黃帝占云老人星一名壽星色黃明見
則人主壽昌又按孫氏瑞應圖云王者承天則老人星臨
其國又春秋分候懸象文曜鏡云王者安靜則老人星見
當以秋分候之懸象著符於上人事發明於下壽昌者知
億載之有歸安靜者示萬邦之必附澄霞助月非唯石氏
之占散翼垂芒何獨斗樞之說臣等謬參纓笏叨目禎祥
慶非之誠實倍殊品無任踴躍之至

同前 憲宗

楊憑

臣某言伏聞太史奏昨八月十五日夜壽星見奉勅宣付

所司者伏以三光在天垂象以昭德一人御寓應運以發

祥將後天而奉時遂瞻星而稱壽九重納慶萬國同歡中賀

臣聞聖人握乾以繼統輔德以垂休則必焜燿耿光昭宣

景福歷考圖牒皦然明微謹按孫氏瑞應圖云老人星見

人主壽昌陛下丕承寶曆光宅天下恢弘聖烈允執大中

化成而天道不遠一作違感至而星精介祉是以去歲已出

今秋又見光靜而明當并絡之端色黃而潤叶中方之位

降茲靈貺實契福庭帝圖表無疆之休史冊傳萬祀之慶

臣生逢聖代幸覩昌期以藩鎮守土不獲奔詣闕庭稱賀

比望宸極倍萬恒情

同前 憲宗

令狐楚

臣某言當道進奏院狀報司天臺奏八月十五日乙亥夜
老人星見於井東色黃明潤勅旨宣付所司者率土咸觀
際天同慶中賀臣聞上天不言而星垂象次舍隱見其指甚
明伏惟陛下道冠帝先恩覃物表太和之氣上達萬壽之
瑞下呈既在井東又當泰分色侔蒸栗光掩連珠彰爾寶
圖類堯年之河出延長聖曆齊漢代之山呼凡百臣下歡
心如一况臣幸霑皇屬叨守國藩瞻望闕庭不勝慶抃之
至

同前 憲宗

張權 為定州張令公作

臣某言臣聞惟德動天惟睿作聖既聖德格于上下故玄
貺動于乾文天高聽卑應猶影響臣得上都進奏院狀報
司天臺奏八月某日老人星見於井東色黃明潤大者臣
按文耀鏡曰老人星見則主安又能氏瑞應圖曰王者承
天得理則老人星臨其國中賀伏惟睿聖文武皇帝陛下德
邁勛華道侔覆載武以勘亂文以化成然猶肝食宵衣憂
勤庶政令動植得所寓縣和平故上感絪縕發瑞辰象色
黃兆土德之有慶見井表聖年之無疆昭昭垂休上帝允
答求諸簡冊光絕古今允在億兆孰不歡抃臣限以祗守
藩鎮不籍稱慶闕庭舞詠之誠倍萬恒品謹遣某官奉表
陳賀以聞

同前

李商隱 為榮陽公作

臣某官臣得本道進奏院狀報司天監李景亮奏八月六

日寅時老人星見於南極其色黃明潤大者聖惟合德神
實効祥必垂有爛之文以表無疆之祚臣某中賀臣聞玄象
示人昊穹疑命曜為經而宿為紀則曰常名斗挹酒而牛
服箱或標虛稱未若候時而出有道則彰居五福之先在
三辰之列伏惟皇帝陛下昭明老契游泳莊寰集作戒集
式是中秋呈玆上瑞况見於午位又屬寅時仰考玄符乃
有深意自南耀彩將弘解愠之風近曉流光欲助無私之
日皇心載裕靈鑒孔昭凡居率土之濱皆慶后天之壽臣
誤蒙重寄實遠清光送玄燕於梁間傷時自切望集作白
榆於天上厥路無由賀聖戀恩無任蹈舞屏營之至

為汝南公賀彗星不見復正殿表 前人

臣某言得本州進奏院狀報今月某日夜彗星不見宰臣
某等奉表稱賀請御正殿復常膳者天道甚密聖心不遐
感極而災亦為祥誠至而妖寧勝德臣某中賀臣聞殷湯以
六事責躬止七年之旱宋景以一言修德退三舍之星歷
代以來咎徵常有苟君能克已則禍不移人伏惟皇帝陛
下寅泰丕圖恭臨大寶尊符列聖酌憲前王昨者天象之
開星文稱異載深歸咎爰用覃恩倉箱集作畢復於九年
羅網併開其三面去營繕絕蕩心之巧申寃結除滅耳之
俘而又正殿不居大庖盡減精誠昭達懇惻敷聞芒砀遽
銷晷度如舊况蕞爾戎羯正犯疆場載思星見之徵恐是
滅集作虜亡之兆伏惟稍寬聖慮以擁皇休遵九廟之降祥

副兆人之欽屬臣又聞皇王之事業也雖至理之時不遺

於憂畏集作揚雖至和之氣不忘於將迎是故神農焦勞軒

帝顛顛堯既癯瘠舜集作禹亦胼胝此四主側身於昔時陛

下用心於茲日千載符契萬方懷柔臣嘗忝內朝今居近

甸拱辰不及空瞻北極之尊就日無因忽覺長安之遠唯

知拊蹈莫可奮飛况時及初正禮當元會華夷畢至玉帛

皆陳小國行人外藩下土皆得入趨鳳閣仰望獸樽臣獨

限關河坐縈符竹戀旣深而詞懇慶已極而涕零無任感

恩賀聖鬱戀屏營之至

為成魏州賀瑞雪慶雲日抱戴表

臣某言臣聞玄德上升三靈為之動色聖功下濟萬類所

以傾誠臣州去秋之間時雨不足自陽風應律子月經年

今月十二日晚降雪越至十四旦開霽絮飛千里花翻六

出糝初梅而委苞封宿麥而垂津其日晡時西南有慶雲

見為樓為閣圖闔闔之九重非錦非繡狀衣裳之五色其

時又有日抱戴日晚澄廓天景淑清拖黃氣而重圍舒紅

光而四溢臣與司馬樊玄則并寮屬吏等三十餘人得所

部貴鄉冠氏等縣申稱雪厚一尺以下并覩慶雲抱戴等

瑞臣謹按詩云上天同雲雨雪雰雰毛萇云豐年之冬必

有積雪若烟汜勝之書云雪者五穀之精又按史記云慶

雲一名鄉雲若烟非烟若雲非雲郁郁紛紛蕭索輪囷是

謂卿雲喜氣也瑞應圖曰景雲者太平之應也一曰慶雲

非烟五色氤氳謂之景雲援神契云天子孝則景雲出游
又按援神契云王者德至於天則日抱戴在上曰戴在傍
曰抱又云黃氣抱日輔臣納忠漢書曰宣重光李奇云太
平之代日抱重光伏惟陛下受天寶命冲用情深豐食之
要鹽寢憂勞雪為五穀之精麥為六田之首由是天降瑞
雪其意若曰太平其有年乎雲者運氣立名布恩成義陛
下仁霈草木惠及蟲魚揚宗祖之烈光垂天地之正色由
是天降雲瑞其意如一作若曰天子其大孝乎日者衆陽之
宗人君之表由是天降日瑞其意若曰天下其大明乎魏
州大明之慶基光封之舊國嘉祥備致靈貺綢繆豈徒然
哉斯有由矣臣叨陪漢守肅奉堯親逢日月之貞明嘉烟

雲之爛熳手舞足蹈地雖限於外臺按牒披圖心已馳於
雙闕不任感悅之至

為百寮賀雪表 武后

李嶠

臣某等言臣聞至道克被而冲和感發玄化沉潜而祥物
昭應伏惟皇帝陛下合德天地齊光日月陶正氣之氤氳
降元符之彤蜚用能經緯六合驅馭百靈垂旒法宮而品
物清宴疑作晏揆景中土而風雨休若三元肇革九陽初動
撞黃鍾而布氣順玄冥而率職曾陰候律豐澤順時蒼蔚
方興起太山之膚寸參差荐委自平地而盈尺銅街治其
如素金隄紛其遂滿縈樓榭凝璧臺之九重落絮飄花
似芳林之二月豈唯洛神呈象來舞帝宮故亦海騎相趨

下朝仙闕東臯欣而望歲南史慶而書祥萬寶登秋居然
可詠雙銅叶唱即事非遙自非睿感通微乾心輔德何以
降神靈之滋掖發兆庶之歡慶臣等恭承玄造沐浴太和
欣聖澤之滂沛對天休而踴躍無任鳧藻之至謹詣朝堂
奉表稱賀以聞

為定王賀雪表

武后

前人

臣某言自涉隆冬頗虧井液皇情睠佇聖德憂勤愍罔罔
之惓憇念祈寒之在節爰發恩造親慮因徒絲綉始行寒
光已布德音纔降同雲便飛落絮飄花與新梅而競彩凝
光吐艷共霄桂而連輝俄盈九域之中遍灑四瀛之外遂
使徃牢式舞布霈澤於三天吹竽長歌佇豐年之一作萬

度報應之速固影響而無違慶躍之私在臣妾而何極無
任欣抃之至謹奉表陳賀以聞謹言

為納言姚璿等賀雪表

武后

前人

臣某言自玄冥授節素液未流宿麥翹滋陳根俟拔聖情
迴睠天造曲成載想徃牢有矜幽滯方臨聽訟之觀且閱
明刑之書中旨纔宣上玄俄應沛乎降澤油然興雲凝瑞
色於千里散禎祥於六出積素彌晝下集於瓊臺飄花滿
空旁霈於玉樹海神奔走而來賀田峻謳吟而共舞靈心
昭發事速於置郵聖意冥通有同於合契臣等謬當樞近
親覲休祥抃躍之情實百恒品無任欣慶之至謹奉表陳
賀以聞謹言

為宰相賀雪表

孫逖

臣某言臣伏見自冬已來雨潤微少雖春候尚遠未足為災而聖慮憂勤恐妨農事靈心允答瑞雪其滂自昏達明已觀於盈尺無遠不及何止於千里既溥既霑足表西成之徵不疾不徐正符東作之候豈伊利澤更是殊祥臣等微生叨荷榮渥幸覩休慶空知抃舞無任欣躍之至謹奉表陳賀以聞

中書門下賀雪表

常衮

臣子儀等言臣聞聖人昭事以奉時乾道下濟以成物伏惟寶應元聖文武皇帝陛下勤勞庶政憂濟萬邦念生靈之未康慮兵食之不足恭默寅畏齋于穆清戒膳撤樂以

祈玄造天人合應雨雪呈祥在登臺視朔之辰飄灑盈尺俯獻歲發生之節飛舞驚春太素混成浩然萬里甲子之瑞載表於昌期春秋所書亦先於農事重陰益固應水澤腹堅之時積潤潛通迎土膏脉起之候靈貺斯在豐年可知佇登來甍不暇祈穀侍臣相慶野老同歡臣謬奉中樞獲觀嘉慶無任抃躍之至謹奉表陳賀以聞臣子儀等誠歡誠喜頓首頓首

同前

德宗

權德輿

臣某等言臣聞王者布令以時應天以實惟茲瑞雪用兆豐年伏惟陛下齋誠念人振廩恤隱同雲斯兆集作宿麥應可期以五穀播植之精驗於農志當一陽發生之候助此

休徵感通不違朝野相賀臣等謬居近侍獲奉昌期無任
欣抃踴躍之至謹奉表陳賀以聞臣某誠歡誠喜頓首頓
首謹言

同前 德宗

前人

臣某言臣聞天道下濟聖心上感以是訢合發為休徵惟
茲雨澤之祥必稽時令之順伏惟皇帝陛下憂勞庶政勤
憫蒸人鑒寐之間不忘於念慮賑恤之使相繼於道途膚
寸興雲盈尺呈瑞以來麩之積潤為嗣歲之順成如京如
坻百嘉可望既霑既足率土同歡臣等忝列侍臣倍百欣
賀無任慶抃踴躍之至謹奉表陳賀以聞臣某等誠歡誠
喜頓首頓首謹言

為京兆韋尹賀元旦降雪表

劉禹錫

臣某言伏以去冬以來久無雨雪臣每於殿內親奉德音
以宿麥未滋為虞以兆人生憂集作為念聖情所屬神理

潛通獻歲發春佳雪肇降當夷夏會同之日觀天人合應

之徵集作迎喜氣於三光浹歡心於萬國癘集作疵永息

豐年集作可期臣以疾疢未平趨步有阻伏望恩貸已具

奏聞謹於光宅寺中勾當本務不獲隨例稱慶明庭既觀

嘉祥益彰聖德無任欣躍屏營之至

為百官賀雨請復膳表 武后

崔融

臣某等文武官若干人言臣等聞太平之代天地合而流
津至德之時陰陽和而布澤所以三農滋殖百物阜安伏

惟天册金輪聖神皇帝陛下寶命綢繆玄期盼饗包混元
而建極宅造化而開階德教布濩仁聲洋溢增高益厚已
脩中岳之儀順時班令更緝正陽之禮近以少愆甘澍親
發至誠懷宋景之一言採殷湯之六事德音纔降靈心允
恊捧瑤緘而風起迎寶字而星流雲不崇朝復三千之藥
草雨必以夜通百億之江河遍高下而同霑在公私而並
及陳晋雨穀譬此非多櫟陽雨金方斯未重邦國延有年
之慶黎元罷望歲之憂臣等中伏願陛下凝神保和順情
養壽復鱣庖之舊膳進鶴鼎之常羞使芝英有駐液之期
蓬蒲知送涼之地則光天之下率土之濱孰不欣戴孰不
幸甚微臣等幸逢休運預沐恩波混虞獸而同歡此齊會

而累抃無任悚荷之一王謹詣朝堂奉表稱賀

賀祈雨感應表 玄宗

張說

臣某言 臣聞水旱常數堯湯固有聖賢之理恭潔為難自
冬踰春積陽成亢陛下以時災繫政人患由君退巫女之
雩却應龍之請陛下躬自暴露炎景瞻仰雲漢推心引譴
為人受咎誠既發而動天言尅期而降雨今已霖霖三日
澤漏重泉草樹含欣郊原變色加以雲平雨細氣潤風和
豈唯優渥王畿必將周遍天下羣心舒釋聖情開暢無任
萬姓歡悅之至謹奉表陳賀以聞

中書門下賀雨第一表 代宗

常衮

臣某言 臣一昨奏封親承聖旨以旬期少愆春雨未降雖

去冬積雪宿麥頗滋潤年之候農耕未晚再當薦銷之月
爰及禁火之辰紫陌楊塵青郊晦色日勞聖念恐失人時
虔於龍堂親行齋禱德音朝發甘澤夕零霖霖散於城池
芳菲遍於草樹四遠皆浹羣情共歡昔在聖人祭則受福
必以精意通於神祇伏見陛下每發聖心未常無應與天
合德所感昭然慶悅之深倍萬恒品無任之至

第二表 代宗

前人

臣等言 臣聞王者應天以實禮神以誠則其祥大來所榮
必速伏惟寶應元聖文武皇帝陛下端命上帝陰騭下人
大哉洋洋發育萬物一風一雨必輕疑作於憂勞惟精惟
微又存於齋禱自立春之後膏澤頃滋宿麥方蘇首種不

入百穀皆賤羣黎稍安屬盛德在火之辰恐散陽流輝之
光小憊旬候則失人時及命尹京載明祀典飭三輔之屬
吏脩百縣之大雩陛下又於龍祠躬自祈請雖田事未廢
而皇情過勤意纔發而氣蒸令始降而雲合寧止西郊之
密且有南山之躋霈然時行丕冒海表浹辰而霽更說羣
心擢芒之蕃將豐於時薦流根之潤佇合於秋成固使我
君如陵萬億及穉軍國是賴朝野同歡多福殊休莫盛於
此 臣等謬塵樞近喜倍恒情無任慶抃之至

第三表 代宗

前人

臣某言 臣聞春秋龍見而雩以其盛德在火萬物炳然陽
驕而旱也周禮所以脩一縣之大祀命三公以下郊則知

古之勤兩首於是月蓋聖人順天以垂訓王者奉時而告
虔伏惟寶應元聖文武皇帝陛下憂勤庶政寅畏上玄全
萬物而曲成恐一夫之不獲嘉生是降率土皆穰又自春
已來膏澤相繼禾方長茂猶潤纖莖麥且耀芒仍涵秀色
及純陽用事流輝是憂未見旬期已勞聖慮勉農祈穀合
樂圓丘感上帝之儲祉顧蒼生之禔福祭之明日夜合屬
雲微風既和震電一作雷不作霽然四合滂灑終朝動乾坤
而滿盈洽陰陽之化育郊原益茂田穉皆登俯觀秋至之
收佇廣歲成之望自朝及野咸慶時和比肩鼓腹空迷日
用臣謬參袞職久荷鴻私仰聖澤之無涯愧生成之未答
無任抃躍之至謹奉表陳賀以聞

第四表

權德輿

臣某言臣聞王者以誠愛人以德動天則交感不違庶徵
時序頃自春澤憇候上軫皇情協用五紀憂勤六事暨純
陽之節零禱是脩齊心勞慮恤隱宥過雲觸石而興潤月
離畢以呈祥南畝就功西成可望含舖鼓腹幼艾相觀集
歡見聖人之化育符上帝之陰隲臣等忝列台司喜萬恒
品無任慶抃踴躍之至謹奉表陳賀以聞

第五表

前人

臣某言等百穀所仰甘雨是資三務成功望歲斯切雖閏
候頗晚農耕未遲而時澤稍集作小愆皇情所軫齋禱上應
集作感陰陽以和遲興有滄之潤方茂如茨之稼况霖霖未

已公私必均叶聖道之休徵副玄功之育物臣等臧叨樞
近喜萬恒情無任欣賀踴集作躍之至謹奉表陳賀以聞
臣某等誠惶誠恐頓首頓首謹言

第六表

前人

臣某等言臣聞聖人之德與天地合則庶徵時若生類昭
蘇伏惟陛下慈愛元元統御集作萬物憂在稼穡切於登
成慮其澤之愆期憫蒸人之望歲誠之所感天且不違有
滄而興觀一夕之霑洽大田相慶知百穀之阜蕃農夫克
敏秀者皆實業集作筮就緒倉箱可期遠邇幻艾忻歡鼓
舞臣等繆當近侍喜萬恒情無任喜抃之至謹奉表陳賀
以聞臣等某頓首頓首謹言

為宰相賀雨表

遜遜

臣等今日見高力士伏承陛下以春雨暫足憇皇慈軫念特
紆鳳輦俯詣龍沙祝之以聖言詰之以神理靈歆允答膏
澤遂盈速若影響合如符節則知聰明之德與乾道而潛
通變化之功隨聖情而廣運殊祥昭著不應難名在於微
臣倍深慶悅伏望宣付國史以揚天休無任抃躍之至謹
奉表陳賀以聞

同前

前人

臣某言臣等伏見近者微旱聖情勤勞躬徇物情脩禱祀
於神明焦思憂人罷歡宴於良節精誠懇至上應玄通果
叶休徵遂成膏雨植物皆潤已霑霽霖之恩陰雲尚多終

致滂沱之澤三農有慶萬寓一作同歡臣等職在燮和効無涓滴久勞聖慮責且重於丘山幸遇甘霖恩實濃於草木無任欣慶之至謹奉表陳賀以聞

同前

錢珣

臣某等今月某日京兆府奏降雨分寸者伏以頃屬時雨稍憊聖慮憂軫尋舉祀典用禱玄功臣聞廣覆無親明德是輔誠之所動天則不高仲春以來驕陽頗熾宵旰勞念生靈其知部樂空縣常羞盡減遽陳牲玉並走山川况便殿坐朝深形憂色不責輔臣之咎恐貽赤子之心橐籥之間神祇咸聽既有聲聞之實寧無昭報之期是以鑿隸忽興蜿蜒遂作固得遠踰關輔匪獨周布郊圻君必動天歲有成於登麥臣雖充位力不足於為霖空喜滂沱敢言燮理甫田皆潤沴氣全銷信可律於豐穰更何求於符瑞臣等無任賀聖欣躍抃舞之至

文苑英華卷第五百六十二

賀祥瑞二

賀大陽當虧不虧表一首

中書門下賀日當蝕不蝕表一首

賀歲除日太陽不虧表一首

賀洪州慶雲見表一首

百寮賀日抱戴慶雲見表一首

百寮賀戮逆人王慈徵後慶雲見表一首

為涇州李刺史賀慶雲見表一首

扶風郡賀慶雲見表一首

賀祥雲見表一首

為宰相賀平原郡鑄尊容鑪上有紫雲等瑞表一首

為宰相賀開元觀鑄聖容慶雲見表一首

為宰相賀昌山慶雲見表一首

為宰相賀賽龍潭有瑞雲表一首

為宰相賀中岳合煉處藥自成兼有瑞雲見表一首

為宰相賀太原府聖容樣至有慶雲見表一首

中書門下賀慶雲見表一首

中書門下賀太原紫雲見表一首

為皇太子賀甘露表一首

為百官賀斷獄甘露降表一首

賀萬年縣甘露表一首

為百官賀舒州甘露表一首 賀甘露表一首

中書門下賀元和殿甘露降表一首

賀太陽當虧不虧表代宗大曆十三年 獨孤及

臣等言伏見今月一日雲物陰晦太陽當虧不虧者臣聞

殷太戊宋景公皆修德立言而妖變為福以日月薄蝕勞

謙惕厲而災不勝德雲為垂陰若天降衷使其謫故集作收字

不見易象曰既憂之咎不長也 臣等無任欣戴之至

中書門下賀日當蝕不蝕表代宗大曆十三年 常袞

臣某言伏見徐承嗣奏今月一日法當日蝕時有澍雨者

臣聞日之所躔行有虛道至之所會蝕亦無災况聖以合

天德以提福是有幽贊宜於感通伏惟寶應元聖文武皇

帝陛下協用五紀順用三極曆象日月統和陰陽一有序行之慶

四字非廼者疇人推策今朔於辰非正陽之所忌於大明而

何損猶能懼而勤政實以應天齋于穆清益用恭默精誠

所達玄運相符園尺之影始生於海上膚寸之雲忽遍於

天下霈然而起豈止終朝莫測應龍之外潛復跋烏之次

伐鼓用幣悉罷于有司潤物蕃生普歡於在野及乎睿宿

更益清光同道相避則聞昭子疑當作梓嶺之對當交而

變果徵劉邵之言古今殊祥中外所慶臣等謬陪近侍喜

萬恒情無任抃蹈謹表

賀歲除日太陽不虧表

臣聞惟德動天其應如響日月交會數之常也交而不蝕

德所感也伏見有司奏今日午正後七刻太陽初虧未正

後三刻復滿者是日也高天無雲太陽不掩訖于申酉光

彩逾明萬寓同瞻百神協慶中伏以聖人者合天地以為

德與日月以為明當虧而不虧明足見矣當應而遂應神

不欺矣伏惟陛下德本於孝動由於禮勤儉以厚下寬仁

以愛人憂庶政而疚懷求衆善如不及行之於下土升聞

于上帝無遠不屆感而遂通一人有慶三光薦祉昔唐虞

至化而星辰不孛日月不蝕以今方古千載同貺大禮元

辰在於明發俯逼惟新之運彌彰不掩之祥人事天心何

其允叶潛輝散彩愈耀於朱城麗景臨空轉明於黃道凡

在生類同知聖猷無任踴躍之至

賀洪州慶雲見表

許敬宗

臣某等言臣聞靈心不測叶至道以升聞上帝無聲候休明而降祉同夫影響在感斯通相彼天心實交其際伏惟皇帝陛下垂光御極體睿凝圖始自憂勤寧羣飛於海外賜之仁壽拯塗地於寰中揔絕代之英聲實興為之美政三秦咸泰六府斯歌首冠往初功無取譬德澤共二儀潛運清明與七曜齊光是以邇無不安遠無不召雕題鑠留之類欵郊甸以相趨瓊棗板屋之朋入提封而請吏上騰下漏天平地成嘉一作喜氣內充卿雲以之舒彩盛德外發非煙由其散色竊見守洪州長史張惟善一有悟解二字等稱以六月二十六日於城內見慶雲自旦及申然後方散謹按

瑞應圖曰慶雲者太平之應孝經援神契曰德至山林則

景一作慶雲出又曰天子孝則慶雲見金枝玉葉若臨軒帝

之營蕭索氤氳復入唐臣之誅自非工侔造化道格上玄光含六幽恩流四海安能致茲神感式彰靈貺玄黃間起朱紫相輝千載合符如斯之盛也雖復駢枝合穎足此為輕絳雪玄霜曾何足喻凡諸率土預在宵形沐浴皇風用源鳧藻况以臣等謬忝衣簪旦夕巖廊親開錫瑞相呼抃躍實百常情不勝悅豫之至

百寮賀日抱戴慶雲見表 武后 李嶠

臣某等言臣聞大人造物亨衢所以貞觀上帝懸象層穹所以照臨合其德而先後不違契其誠而表裏潛應伏惟

聖母聖皇陛下仰應顧託俯順謳歌臨天下之大寶當域中之正氣酌酌律度三神援亭毒之權鼓舞陰陽萬象入則成之契六幽金鏡四時玉燭凱澤將膏雨共流協氣與景風齊暢故能使天地儲祉靈祇降福樞紐薦符勾芒錫壽自呈有命洛書肇出惟宗社之饗德廸神明之祚聖象物昭應休徵煥發每至十二月玄珉啓匣緣錯披題遷寶秘於東序視衣纓於北闕必有仙鶴翔集雲鳥杲曜祥光入於九重異氣懸於三象雖復昇來汾水黃雲冠於北山劍在豐城紫氣衝於南斗無以方斯影響近此 天作符籙動而有徵日官考驗以爲帝準日在朔月時惟孟秋奉鴻休而止位先告辰而解網休日申酉衆姬稱賀申禮

旣畢昭示聖國芝檢初開扶光未徙即有氤氳傳漢發祥於俛仰之間蕭索浮天舒彩於折旋之際于時晬容當宁嬪儀在列文物充於紫庭睇光察於玄象或戴洪琛之威儀非烟非雲奪緯綸之彩色兩宮胥抃六妃式舞欣就望之近臨悅光靈之下濟 臣等謹按孝經援神契王者德至於天則日抱戴又黃氣抱日輔 臣納忠瑞應圖曰天子德孝則慶雲出又曰天下太平慶雲見陛下宵衣旰食至德通於九玄皇帝錫類推恩純孝刑於八表惟明求道若金在礪自物觀化如草從風屬千齡之景業承肆青之鴻霈乾坤合而喜氣生圖籙啓而禎符作旣以發揮天德昭寶運之隆平且以光翼端章究靈心之終始自非上下和洽

幽明薦成何以微疑自造化之神偉合天人之符契昔者

玄珪受命無聞感召之祥赤土披圖不發昭回之貺故知

冥祇臧道歷載祀而潛休靈物俟時當聖明而效用事超

六籍之外聲高百王之表卓哉至矣無德而稱臣等謬奉

隆知親承大慶朝聞夕死每竊抃於昌期手舞足蹈敢承

歡於下列無任鳧藻踴躍之至謹詣闕奉表陳賀以聞

百寮賀戮逆人王慈徵後慶雲見表 前人

臣某等言伏見今月十一日誅反逆王慈徵等乃有慶雲

見於申未之間蕭索滿空氣氲蔽日五彩畢備萬人同仰

伏以慈徵等並典司戎旅出入禁闈反德亂常背天逆理

聖靈感通神祇昭應雖逆節始萌而潛謀必兆窮極回之

審計盡苞藏之巨慝並膏斧鑕俱肆朝市五屬明啓嚴刑

應於九秋萬寓悅豫嘉氣呈於三象此實天人合德宗社

降休欣紫宸之永固在蒼生而知幸無任嘉慶之至謹拜

表稱賀以聞

為涇州李刺史賀慶雲見表 崔融

臣某言伏奉詔書上御武殿有慶雲映日見於辰巳之間

肅奉休徵不勝抃躍中臣聞諸瑞應圖曰天下太平則慶

雲見天子大孝則慶雲見伏惟皇帝陛下早朝宴坐憂勞

庶政遠無不肅邇無不懷神感潛通至誠上格涼秋中月

滯雨移旬天心合而喜氣騰陽德動而愁陰歇文章郁郁

惠日照而成彩花驕蓬蓬晴風搖而不散雖復紫雲來漢

皇殿白雲入殿帝房校其優劣疇以爲喻臣運奉休明榮
霑刺舉千年多幸已逢河水之清百辟相歡重偶叢雲之
曲不任悚躍之至謹遣某官奉表稱慶以聞

扶風郡賀慶雲見表 玄宗

楊譚

臣某言 臣聞休徵所應克昭明盛之期靈貺攸歸必會升
平之運伏惟開元天寶聖文神武皇帝陛下發揮真宰撫
育道樞致妙用於希夷納蒼生於仁壽故得風雲効祉動
植呈祥 臣所管內雍州界天柱山頃有玄元皇帝古宮考
時代而罔知覩寂寞而如在今月十四日辛丑皇妹持盈
守法於宮前紫虛觀中齋心伏形爲陛下祈福忽有慶雲
照耀施五彩於山巔喜氣紛綸散重光於宮上其日從已

時至未時官吏僧道瞻顧彌遠陛下續玄元之仙籙授天
寶之禎符千古未聞百靈何幸克叶天意必因人心表陛
下無疆之福明陛下無疆之壽 臣忝守方岳寄重分憂拊
躍之誠倍百恒品謹寫圖奏以聞特望天恩宣示中外以
光史策天下幸甚 臣等誠歡誠喜頓首頓首

賀祥雲見表 玄宗

張九齡

臣某等言伏見道門威儀司馬秀表稱今月十日夜陛下
親臨同明殿道場爲宗廟蒼生祈福有祥雲見伏以聖德
以精至動天天意以盼饗符聖其應 集作甚速豈云玄遠
集作其陛下孝聖 集作敬之深勤恤所至靈心如答神道何
應豈遠 臣言自表休期以介景福生人大賴天下幸甚 臣等忝居近

侍倍百恒情謹奉賀陳賀以聞

為宰相賀平原郡鑄尊容鑪上有些紫雲等瑞表宗

孫逖

臣等伏見平原郡奏去月七日鑄尊容鑪上有些紫雲如蓋高三尺餘鑄畢方散烟焰中又依稀有一老人鬚眉皓白俯臨鑄上弁繞鑪行道時聞空中傳億萬聲及鑄畢烙模相好圓滿面有自然之金色者聖心通感至道炳靈洪鑪未開殊祥累見蓋呈祥瑞相表異金光烈火之中式瞻仙老無聲之地忽聽神言在前古而未聞不崇朝而釋至稠疊之慶名言所難况肇自京師至于郡國真容所鑄靈應必臻神妙無方用彰于聖壽牛靈何幸永覩於昌期臣等

近侍倍加欣慶無任抃躍之至謹奉表陳賀以聞

為宰相賀開元觀鑄聖容慶雲見表宗 前人

臣等伏見開元觀先請今月十八日鑄聖容昨夜先期普天降雨遲明展事萬里無雲及駕之際又有卿雲休氣氤氳扶日道俗咸觀移時不散伏以聖惟不測有感而必通天則無言觸類而成應陛下欽崇至道子育蒼生爰駕尊容將洪介福故得天地合氣神靈布和其澤而達諸已晴彩雲而抱日呈瑞鎔範之際殊祥畢集寔表聖明之感更彰仁壽之期臣等忝在掖垣不勝大慶無任悅豫之至

為宰相賀會昌山慶雲見表玄宗 前人

臣某等言今日伏退後伏見會昌山上有五色雲見紅翠

稠疊光彩相鮮爛若藻繪積如山岳近依湯井俯俛宸居
移時不散從臣咸覩伏以雲物變態真仙所憑法駕纒上
祥光已見豈惟天地合氣以表於和平固以神靈告休用
彰於聖壽無任抃躍之至奉表稱賀以聞

為宰相賀賽龍潭有瑞雪表

玄宗

前人

臣某言適內謁者監牛仙童至奉宣進旨先為蒼生祈雨
今日告賽不坐明日亦脩疑不坐者涼秋已來時雨未降
陛下憂勤兆庶躬自祈禱其澤溥洽又陳昭報親紆鳳輦
俯詣龍堂御膳撤鮮齋宮致潔亦既累日方申大祭禮畢
之後更祝龍潭纒發德音已臻不應仙童云其時即有青
紫雲自潭而起爛熳呈祥烟煜布和勢騰晴空光映秋水

即知飛龍之德變化無方聖人之感深微莫測惟茲靈
實謂殊常臣等特符恩榮倍增欣慶伏望宣示朝列兼付
史官用垂明徵永昭盛德無任慶抃之至謹奉表陳賀以

聞

為宰相賀中岳合煉藥自成兼有瑞雲見表

臣某言臣等伏見道士孫太冲奏事奉進止令中使薛履
信監臣於中岳嵩陽觀合煉其龜中着水置炭於龜側對
三却迴已經數月泥拭既密緘封并全即與縣官等對開
門其炭並盡灰又別聚不動人力其藥已成初乃五色發

端終則太陽暉於鑪際又河南裴敦復所奏并奉勅令右
闕李成式往驗並同者臣聞神變無方式昭於幽贊聖心

有感必驗於玄通陛下至德奉天精誠契道動無不應事
若合符故得煉藥之所瑞雲先見丹爐不鑿金液自成太
陽降精宜假於人工飛廉扇炭涼關於神力殊祥特異曠
古未聞靈跡既彰用資於聖壽羣生何幸未覩於昌期况
在微臣實倍常品無任抃躍之至謹奉表陳賀以聞

為宰相賀太原府聖容樣至有慶雲見表

玄宗前

臣等伏見太原尹常濟奉本月四日紫極宮玉石聖容樣
至北京其時有慶雲垂天自辰至巳輪困紛郁萬姓咸觀
者伏以靈物呈祥神仙效靈豈伊天地之和更是壽昌之
慶况太原舊國王業所興聖容纔及於近郊卿霑已彰於
合契氤氲五色變汾水之白雲隱映三清類函關之紫氣

上玄感通品物同歡况在微臣倍深慶悅無任抃躍之至

中書門下賀慶雲見表

代宗

常衮

臣某言伏見太史奏今月十三日降誕之辰有慶雲見自

卯及巳五色相輝京城士庶無不觀覩者

臣

聞應天者聖

降必有期從龍者雲感而成瑞伏惟寶應元聖文武皇帝
陛下格我昌運本乎大微甲觀畫堂以書有慶赤光紫氣
以表祥符每歲孟冬內朝舉禮萬國稱賀羣臣獻壽紛委
靈貺總集良辰今者卿雲表祥史冊十月良月遠膺盈數
之期後天奉天近叶下元之曆從風蕭索抱日縈迴色涵
流渚之虹影雜繞樞之電交映榮光曲成轉蓋萬物皆覩
羣情共歡無疆之休未末禔福臣奉觴慶賀於萬斯年無

任朴躍謹奉表陳賀以聞

中書門下賀太原紫雲見表

前人

臣等言伏見太原尹北都留守檢校工部尚書薛兼訓奏
 忻州七聖廟內尊容奉勅移太原府紫微宮安置昨正月
 二十九日啓告其時有紫雲見兼聞金奏之聲者臣聞廟
 貌嚴奉所以追孝天地明察則必垂祥伏惟皇帝陛下全
 聖人之至德合神道之設教受天之命嚴龔奉先明發有
 懷載感于文武菲食致美必誠於宗廟序五位而周順刑
 四海而化光茲以聖靈在天緬暮增惕是有象設不忘哀
 矜求念興王之地如聞樂沛之言遠自方州遷于京邑克
 配上帝高居紫微當其撰吉之時爰有奏章之請百神紛

委萬靈朝拜雲浮瑞色樂協薰風已含氣於潛龍更和響
 於翔鳳用彰莫大之孝以嗣無疆之曆雖周室之既受多
 祉漢朝之屢獲嘉應未有祖禰丕祐天人合符若斯之盛
 也臣無禪政事但慶鴻休不勝抃躍之至謹奉表陳賀以
 聞

為皇太子賀甘露表

高宗

崔融

臣某言某至伏承某月日甘露降於金闕亭肅奉休徵不
 勝抃躍中臣聞五材並用天地合而凝津四序遞來陰陽
 和而灑潤望之成雪若墜崑崙之山嘗之則其似降軒轅
 之國伏惟天皇部元氣平太階正圭表於都畿考銅欄於
 宮室薦河圖而升洛範日載一作祥編過竹苑而懋芝臺

宵零瑞液爾其塗塗被物滴滴流膏承以玉杯凌漢宮而
極美獻之瓊爵掩魏殿而稱瑤可以致靈仙之寄可以延
帝王之壽孝經援神契未足叙其和平春秋運斗樞不能
議其清濁臣濫膺國本多慙人望仰宸遊而不及倍戀恒
情聞帝澤而先驚慶深常位無任喜抃之至謹遣某官某
奉表陳賀以聞

為百官賀斷獄甘露降表

武后

前人

臣某等文武百官若干人言一昨伏見御史中丞吉頊稱
某日承制推法司斷事惡逆者會赦不免謀反者會赦從
流主上以為輕重不當陷入人罪制曰君親無將將而必
誅安有忠孝同極而流罪異貫若此者豈欽恤之意耶旋

命主司奏上沿革謹按貞觀律唯有十卷其捕亡斷獄兩
卷乃是永徽二年長孫無忌等奏加果非庭堅所制百寮
蒙瞽一朝開鑿聖鑒玄通有如影響自發德音之後每夜
觸處有甘露降者臣等中臣等聞刑罰者人之鞭策號令

者國之舟車所以懲惡止姦輔政助化故軒轅之為君也
設法而天下安樂陶唐之為帝也察令而天下昭明然則
不令而誅不教而殺是虐人也法不勝姦刑不制罪是陷
人也有以知懸之象魏布以都鄙是謂禁人為非銘之鍾
鼎鑄之金石是謂丕天之責為人上者可不務乎若乃前
主所是疏為律後主所是疏為令事有不合於古不務於
時則弛而更張矯以歸正正朔三而改文質再而復王禮

不相襲帝樂不相沿夫何爲乎亦云適時而已惟天册金
輪聖神皇帝陛下躬明哲之性秉淑聖之姿順風雨以發
生乘雷電以震耀推功天地所以告成太室致孝祖考所
以宗祀明堂陳寶鼎於帝庭正土圭於王邑能事畢訟聲
興冤積之氣不彰刑殘之尸復育斷獄四百愈鑒寐於淳
源科條三千尚劬勞於畫象日者有司奏牘議事不明大
聖當樞因一作人軫慮但臣之事主猶子之事親父子則
身體髮膚君臣則股肱元首出忠入孝義在俱全履霜堅
冰法無異罰曲禮垂教子處洿宮之條人傳立文臣從潛
室之坐何以纔經赦宥頓隔刑書反逆首條而遂生惡逆
未坐而猶死下上簪履顛倒衣裳遂使吏生淫巧人無常

禁逆節所以時萌凶黨由其或在夫立殺止殺制刑息刑
重其死然後生峻其法然後禁禮以齊君子刑以齊小人
非惟聞義而輸忠固亦知教而遷善斷彫爲樸自然登至
道之初墨幪赭衣何必獨上皇之代銓也法也念茲在茲
昔者仲尼脩春秋亂臣賊子懼梁靖撰七序竊位素食慙
况我大君財成上帝制作昭昭焉若日月之代明纍纍焉
似星辰之錯行有典有則是藝是訓懷生幸生而有餘羣
下瞻仰而不足蕭相國摺據秦法窺天無階杜武庫叅定
漢章踏地失措誠可以垂後誠可以達幽至人無心靈契
昭於玄極昊天有命神物萃於休期巽風未行甘露頻降
亦何止言善而星退躬禱而雲來夫其素液繁灑芳滋豐

溢叢駢六氣之英搖動二儀之粹匝園林而並潤溥郡邑
而同霑漢宮無假於玉盃魏殿不勞於瓊爵臣等謹按甘
露者美露也一名膏露一名天酒其凝如脂其甘如飴蓋
神靈之精仁瑞之澤稽命徵云稱謚正名則葦竹受甘露
孫氏圖云王者和氣茂則降於草木食之壽援神契云天
子刑於四海德洞淪冥則甘露降鵠冠子曰聖人之德上
及太清下及太寧中及萬靈則膏露下白武通云甘露之
降則百物無不盛也嗟下俯廻冲眈親定律文必也正名
果符稽命是使孟堅持論談功德而未詳抱朴裁書稱太
平而不盡上可以輔聖躬之壽下可以延庶物之祀言之
動天一至於臣等庇廕昌運接景清朝常勉志於克家
每勤誠於報國恭聞六典伏覽殊臣知拱極之尊子識
陽之慶無任抃躍之至謹詣朝堂奉表稱賀以聞仍請宣
付所司頒告遐邇

賀萬年縣甘露表

代宗

前人

臣某言今日中使吳永清宣示臣萬年縣靖恭坊南街柳
樹上降甘露者臣聞玄元皇帝有言曰天地相合以降甘
露伏惟寶應元聖文武皇帝陛下事天明事地察所以受
三靈之景貺叶萬國之歡心其在陽不晞被葉增固且滋
且潔如脂如飴神明有以告祥蒼翠因而不改則顯元之
氣下浹於人軒轅之精不愛其寶裨太平之瑞呈上陌之
中况地即萬年時當子月不憊寒沍實表靈長禎荐臻符

壽域何遠以之興運在陶唐而則然特用紀元於大漢而無愧伏望宣付史館永播休徵臣謬承雨露之恩愧無涓滴之至

為百官賀舒州甘露表

崔元翰

臣某等言伏見舒州奏懷寧縣界天柱山東南谷寺降甘露八月五日下午尚書省者臣等謹按皇王已來圖牒所載皆以為天地之合神靈之精感中和之茂育彰太清之至理故鵲冠子曰聖人之德上及太清下及太寧中及萬靈則甘露下禮曰天不愛其道地不愛其寶則甘露降伏惟皇帝陛下玄化醇茂汴澤汪洋合覆幬持載之功配高明博厚之德恩加羣物禮及百神可謂同符實如前載又據

舒州刺史宇文適所奏云天柱山者柱石之象也表山岳之靈懷寧縣者寧謚之義也表懷柔之理伏以遠夷懷恩輔臣納忠觀其所言信而有理臣等親聞聖政獲覩殊祥無任

賀甘露表

武元衡

臣某言伏奉今月九日聖恩以元和殿前所降甘露宣示百寮者伏聞聖德至而和風應元氣滋而靈液降不有上瑞肩彰盛時况甘露惟旨味露則仁澤豈無外野故呈祥于中不於別殿特表慶於元和光凝棲鳳之林氣浥傳香樹將使五靈集社奕葉流芳伏惟陛下先天奉時王道止極不言而風雨咸若無為而禎祥荐至故得蒸雲降液

颯陽不晞如脂如飴珠連星綴可以彰聖感可以保豐年
漢致金盃魏稱瓊爵方茲冥貺固有懋德臣遇斯鴻造幸
偶昌期希代稱符微生畢覩載欣載賀徒竭犬馬之誠舞
之詠之共樂華胥之俗無任

中書門下賀元和殿甘露降表 德宗 權德輿

臣某等言中使某乙至奉宣進止示 臣等元和殿今日其
露降於梧桐丁香樹者謹按孝經援神契曰王者和氣茂則降於草木伏惟
則甘露降孫氏瑞應圖曰王者和氣茂則降於草木伏惟
階下聖德感通殊祥允集當長羸之月下順人心降穆清
之中上昭天意太和陰騰靈液潜滋屑玉綴珠溥 集作枝
滋葉質同雪白味若飴甘灑瓊木以相鮮激繁香而合發

雖軒丘頌瑞漢史紀年徒習前聞豈如目覩此皆至誠
及 集作協天休合符凡在懷生不勝大慶 臣等謬居樞要
倍萬歡誠無任欣抃踴躍之至謹奉表陳賀以聞 貞元十
八年五月

月十八日

古今圖書集成
人事典
卷一百一十五

七

